

崧浦草堂詩集臚彙

嘉慶辛未 水屋吟

壬申 銷鷺集

癸酉 爾足集

甲戌 旅抱集

乙亥 聖湖集

丙子 敲松集

丁丑 一尺月齋集

戊寅 食菴集

己卯 菰廬集

庚辰 蟲窠集

國家圖書館 NATIONAL CENTRAL LIBRARY, TAIWAN, R.O.C.

板匡  
(公分)

19.4×14.6

13406

2 冊

國立中央圖書館藏善本

書碼： 集部 詩類 之 屬

書名： 玉屏山人夢

著者： 清陸戩撰 不分卷 二冊

版本： 清稿本



道光辛巳 茹辛集

壬午 六千里游稿

癸未 倦軒集

丙申 玉蟬山館集

乙酉 小停雲館集

丙戌 毅堂集

丁亥 繹韋室集

戊子 運覽集

己丑 始讀書室集

庚寅 冬筍味齋集

辛卯 蓂蟲集

壬辰 陟慕居集

癸巳 講舍集

甲午 賃廡集

乙未 小蕉堂叢稿

丙申 鄞江集

丁酉 補農齋集



水屋吟

辛未

酬何書田其偉

十二誦南華元氣浣腸胃十五讀離騷意向轉凌厲凌厲豈性  
生半為讀書累因之寡所交有名恥附驥論詩惟何點金管餉  
夙慧南浦老魚來喜得短章寄詩旨遙且深名言補友誼古心  
恆自鞭素抱未容諱環者多不屑未詩有君性過傑介之句大賢非所棄  
稜乃惡圓坦坦乃居易須海良禽棲擇木弗早計而我通變時  
彈雀忍珠費還從鼓柷歌鋪糟半醒醉肯使標格人此中少餘  
地

西余山宣妙寺

迷離烟樹裏一徑野雲深調鶴松間路烹茶竹外林亂藤牽石



罇細溜滴花陰任我蒲團坐高情契遠岑

讀晉書王導傳

天生仲父棟梁才克復神州志壯哉漫向石頭持故節當年曾  
笑楚囚來

權奸跋扈竟傾危弟作司空擇王疑若果事成王代馬不應塵  
障庾元規

訪邵子山堂不值

判袂湖山感已陳茶煙又作兩家春冷香徑裏雲迎送只有梅  
花當主人

蕭寥江館一鐙青故紙堆中肯乞靈相約短篷春雨裏從君泖  
上補魚經

呂叔訥學博星垣見示登福泉山詩即次其韻

古縣水曹折角巾探奇辟道草如茵半林鳥語迎詩客一徑松  
風健酒人僻壤誰修新地志荒碑莫問舊詞臣山北為平原內史墓  
擬約蓮花社小憩招提結淨因

村居

蘭陵風日美作計拙如鳩舊句山妻寫殘碁野客收生涯螺蚓  
雜塵夢蟪蛄愁欲借書空筆高吟出一頭

蘿室如團繭閒情課有餘青樽松葉釀白帖韭花書覓破澆疏  
沃窗虛種竹疎天涯懷舊雨何處夢樵漁

題施子香茂才承梁古鏡圖

堯辭荒原瓦礫窟螭龍寶彩翳若漆容成不作時世妝萬古一



洗秦時月施子讀篆兼繪形珍藏切莫資磨研妍媸露相疲我  
質何如古色粹然抱圓靈

菊影和何小山其章

忽覺黃花委地舒重重繞檻最蕭疎一簾風瘦添秋意三徑霜  
寒伴索居月未明時成大隱人於澹處悟元虛籬陰綽有天然  
態畫上瑤屏恐不如

縱無金彩散園林隱約南山思不禁滿地橫枝仍傲骨深宵踏  
徑識秋心杯傾陶令三人對詩誤荆公一夕吟品到孤高知己  
少故教半晌歌殘陰

吳淞晚泊

一雁度長空夕陽隔烟樹暮雲何所歸寒江落帆處

沈夢唐同年

學淵

自都中歸晤於吳淞江上作詩賦之

向聞瘦沈名胸儲千古事黃金鑄島佛相與慕隔世眷言彼美  
人打着西來意棘院一識面傾隔以情契澄江十日游餉人多  
夙慧嗟此兩人心湖山遠分袂東西五十里託病患書寄君志  
方騰驟余懷如絆紲匆匆走燕臺謂是金馬器乃作今劉蕢得  
篤旋復棄翻借下第名獲遂談心計促席話塵夢生涯同姑媿  
萬斛吳淞愁瀉之不餘地如君磊落才高文振芥姜別有性情  
花繪得江山麗鄙人之仙根乞君一搔背延平劍終合飯顆笠  
徒媿為指水盈盈凌風鼓蘭柁坐我春雨莊前韭拚一醉

雪朝

屋外梅開三百樹一望迷離不知處山窗曉起巡檐來萬點蒙



頭撲飛絮才知玉戲誇天公銀花碾出水壺中村南村北白一片十里趁出朝暎紅惶忪紙閣峭寒逼四圍檐溜聲聲滴林間鴉老凍不飛屋後山顏淡無色吾想長安豪客貂鼠裘紅燈醉卧芙蓉樓又想旗亭賭唱風流子銀筓牙板拋纏頭執腸塵夢徒盈抱焉識山家風味好柴關時有故人敲滿徑白雲重不掃寒披絮帽擁熏鑪天憐陋巷瑤瑤鋪沙磧成功置勿論梁園作賦非吾徒聊倒瓦樽茅屋底占祥便作豐年喜園松隴麥時評量吾本識字耕夫耳

銷齋集

壬申

答書田見贈之作即題幹山草堂集

後人茫茫來前人茫茫去祇有一枝筆留得古今住咄哉竒山人竒胸豁雲霧蒲褐與漚波

謂王述庵司寇王揚甫國博

詩派廿載付千秋

峯泖靈餉君恣吞吐招余小山齋或共福泉步掬袖攜一編雄宕并健固新開新日月傲蕪恥塗附光怪逼人視顛眩憤驚仆君抱何激昂不平鳴之故蘭成不工愁竄作枯樹賦文章無真宰萬字委蟲蠹麟臺閣篇異時恐草露誰知狀元韓方干自韋布而况水仙操詎乏賞音遇客秋結吟社山莊理茶具脫橐就咨商傾軀無過譽猶恨帶水阻十日作一晤朝夕琴尊歡於我轉生妒矣窗誦君詩清風來庭樹願為寫副本長倩碧紗護



懷著山兄

橫泖魚缸理釣緜北千山寺訪碑頻洋州畫卷風篁裏定有看  
雲憶弟人

夏日雨窗

秧畦如罨綠痕齊隴瀉泉聲下小溪有雨日從樓角度無雲天  
壓樹梢低烏巾支架全成脫碧甕當檐少點泥簾卷却欣看晚  
霽又聽鳩婦隔林啼

碧城

碧城璇戶望參差夢斷鸞釵珊佩逢容帳夜封螺盒畫衣筵秋  
憶鵲橋詞道幽難覓游仙枕續命空調繡佛絲掃盡葦塵待青  
鳥鏤雲香輦展何時

練川道中

吳淞東去漾扁舟半幅帆輕却古膠十里荻陰微作雨一聲漁  
唱不知秋遠灘沙積疑分港壞堞蘼荒欲上樓津鼓沉沉新月  
夜滄江獨卧起離愁

秋晚雜感

梧徑蕭疎少客過夢痕如雨退愁魔感秋人比黃花瘦訪舊詩  
羸落葉多香稻雲堆小雀白洋風緊泛新鶺隔溪聽到漁家唱  
未似秦淮水調歌

怪人情緒太零星滿耳商聲忍竟聽瘦竹補成三徑綠秋山淡  
到一痕青吳衫怯冷經時換魯酒澆愁徹夜醒消息紅牋遲遠  
道夢中可有桂枝馨



秋懷寄王笠華

茱萸遍插夢全虛  
話到連牀樂不如  
綠酒雙螯秋士徑  
青山一雁故人書  
生涯冷淡長腰米  
鄉味消沉縮項魚  
何處黃金能鑄淚  
江南狀表蕙風疎

訪夢唐同年偕其仲弟同梅夜話桂留山房

雪夜扁舟泥漬東  
翦燈清話兩山同  
談資竒入驚天集  
酒力雄張表海風  
作客我猶慚二仲  
幽居君可不三公  
銷愁再索新詩讀  
人曰梅花遠夢通

蘭足集

癸酉

風阻滸墅關寒甚有作

客舟千里行抵關  
大颶發人爭別港  
避我亦卸帆歌倚  
柁捧熏鑪寒峭寸  
膚裂林雅凍不飛  
玉山顏欲折呼僮  
買村醪青樽少具  
列絕妙辟寒犀眼  
生魚子鱠殘醉入  
滕朧故園見彷彿  
椽榻轉凄清菘麥  
凍皴裂不愁兒腹  
枵怕添親鬢雪惹  
覺柔櫓動布衾擁  
如鐵

登北固山

崇巖形勢瞰晴洲  
收拾金焦付點漚  
霸業三分空立馬  
江天萬里一登樓  
銅甌東去無窮感  
鐵甕西來不盡流  
寂寞南宮舊遊地  
苔花冷沒研山頭



呈房師潘朗齋先生 銘

弁南舊學辨香崇江左民歌保障功  
文倡蕭樓風直上政成鄭  
穀日方中吟殘荷味細函碧燃出  
藜光文席紅同門曾望川庶  
俱聯提白下青山廣陵月儘隨手版憶泥鴻

眉山派本出廬陵咫尺摺衣揖李膺  
許先生出嘉定李珊網幸收  
慙沆瀣絳帷聽講辨淄澠書來垂詢皆親筆  
詩訂傳家有續燈  
得讀太老師喜托程門期立雪清標常挹玉壺水

朗齋師命題試泉圖

逍遙茂竹舊同盟漱玉冷然為繪聲  
有蟹吟耽前度夢是圖官  
所作擢刺史又無魚清避好官名  
廣陵月影三分寫句漏丹經  
五色成何似坡仙符調水煙雲供養到瓶笙

題朗齋師東閭官梅圖

我師冰雪胸雅結水雲癖朗懷玉照堂  
逸致巢居宅千樹河陽  
花年年此手植况復修幾生素心寄畫冊  
一官與一梅俱是江  
南客用放翁句高吟水部句詩痕淡無色  
縞袂仙人來瑤英落滿席  
嚼飽沁入脾鷓守量俸食萬斛庾嶺香  
蕭寥只數筆緣知骨雙  
清宦情寫月魄千載續風流廣平豈鐵石

林雨亭茂才文澤招集秋雨庵看梅

紅橋烟月話匆匆地訪巢居興不同  
酒醖吳山兼越水詩龕秋  
雨得春風立殘花影遲歸騎題盡蘭襟  
悵斷鴻圖就張為定相  
憶白雲寄夢湖湖東

維揚旅次花朝



明月紅橋感已陳  
畫牆風信滯江濱  
荒寒水閣孤吟客  
看盡名花不當春

征衫豎澹墮痕消  
小擘波牋當絳綃  
遲却香心春欲語  
梨花院落一枝蕭

題蔣越生秀才越達高三徑圖

邗上題襟笑語溫  
萍蓬情緒憶江村  
故衫塵浣紅如海  
老屋烟棲綠到門  
開府羈愁寒菜味  
司勳春恨落花痕  
逢君又作攀條客  
遠道蘼蕪不忍論

鴛湖谷水接春朝  
君家想像林扉掛石瓢  
補悶夢清惟伐茗  
休

文筆老或彈蕉  
敗裘顏色三千里  
單舸吟情廿四橋  
回首綠波

人去後一鐙紙閣雨蕭蕭

為蔣越生題蘭雪小影

香水溪邊茁翠茗  
雲英淺夢付紅橋  
湘波簾畔水絲枕  
并作殘雲一味銷

畫閣秋心寫曉釭  
十離香句惜吳艸  
鴛湖人去孤芳冷  
一片蘼蕪鎖綠窗

優羅小影寄清毫  
纖露零烟瘦碧桃  
我是沈腰吟欲損  
不堪綉佩讀離騷

佩讀離騷

題朗齋師華鄂傳觴圖

閒居賦罷又開尊  
聽雨看雲細共論  
座有千鷗花欲醉  
牀無兩被意俱溫  
綠楊城郭新詩卷  
春草池塘舊夢痕  
何止棣棠傳樂事  
玉階風暖長蘭蓀



題定業野荃判惟欽聽濤圖

單父宰後誰不凡  
赭嶺棲鳳生臧嚴  
琴堂授讀飽萬函  
筆洗銀河豁梅賦  
長安上書肯顧城  
西園作賦摩厓岷  
懷鉛扈從詞雕劉  
十丈塞塵清衫陟  
山一望催吳帆循  
陵淺宦冰清銜裴  
家調制醒與鹹丹  
竈翠英胥和誠竹  
西烟月任意快春  
船載茗歌颿颿松  
石間意耽枕巖曲  
江濤駛流碧巉萬  
弩一白蛟龍綉蒼  
茫獨倚百尺杉  
椽蕤蕤帶髯髻琴  
筑入耳激英成品  
泉趣解坡老饒玉  
女調水何立監在  
山出山紛詰誦沁  
以雪腑無批巖先  
生椽筆高雲攬毫  
端渴驥奔秋覓刺  
藤貽我濯手搽九  
爨屏上滿鐫鏡曾  
吟入夢態如衛千  
頃叔度脫譏讒重  
展畫燈理堀芟贈  
君滋翦當瀑絨

邗上清明書感

生前未解織回文  
騎鶴腰纏畧可論  
歸去勝情誰共話  
紀游一卷與招魂

偕潘古泉紅橋汎月

騎省清才刻翠謳  
竹西煙景燈中收  
平山無樹非垂柳  
曲水不風猶漾舟  
酒氣潑沉雙漿霧  
蕭聲吹冷一江秋  
波心留得團團相  
曾照隋家第幾樓

平山堂看並蒂芍藥

婪尾春深門異姿  
絳雲雙朵午陰遲  
黃昏月儘三分寫  
紅笑妝非半面施  
讌合歡情金帶客  
譜修奇豔玉堂詩  
揚州簾卷盈盈舞  
不為將離寄恨思



綽約平頭醉露腴紅橋瑞紀玉盤盃脂殘廢井魂猶合花殿餘  
春態不孤清水風情衫唾碧省垣仙夢緩聯朱倚闌欲謔嬌相  
映留取香痕沒骨圖顧竹畦為  
余畫扇

書張曼仙崇烈紅葉題詩畫扇

棲烏曲冷鎖妝樓錦字相思翠黛鈞寫盡秋風飄泊意此生幸  
未識春愁

紅殘緣重玉郎才怨泥低鬟攔筆猜轉恨詩人情向薄不流片  
葉入宮來

寄楊芾堂茂才三俊

浩博關西學逢君我不頑茶高無二著丹妙得雙還舊夢素松  
宅新吟薛道山松籌讀遺集應付筆爛斑謂君八世祖  
南峯先生

### 孤山懷古

灘水有孤山頑廉頌高節如何清聖去藜屐轉消歇君復住西  
湖巢居掃塚塢釣宅界燕汀蘿烟罨林樾天外鶴歸來叫起四  
山月不作封禪書姓名已標碣始信詩酒區未是神仙窟泛湖  
屢探幽薦蒨寒泉冽試問嶺畔梅何如山中蕨

### 謁岳忠武王墓

南朝史筆西湖土不可無公借重名一死竭誠甯憤激千秋展  
拜各心傾松枝猶勵疾風節石獸如嘶戰馬聲弔古何須悲往  
事棲霞嶺外晚鐘清

### 西湖酒樓題壁

望湖樓畔稻風過醉客憑闌放浩歌遠水白迷漁艇小好山青



入酒杯多荒塘是處分菱芡老屋徒憐補薜蘿江北故人定相  
憶六橋詩思近如何

旅抱集

甲戌

滄臺子別墓

展拜先賢冢摩挲古柏青徑荒秋草迹剝蝕夜濤腥尚想猗猗  
貌如瞻正直型碑陰留細篆不似嶧山銘

汶上旅店次壁間韻

襤被衝寒起蒼黃趁曉征亂沙扶馬過殘月看人行吊古碑無  
字探山詩不平孤城問前路又聽齧鼻聲

東阿道中

曉發東平道荒原不計程沙埋山寺圮雲慘戍樓明茶品嘗溜  
水仙蹤隱穀城榛燕尋項墓流恨咽茄聲

山行雜詩



馬口草聲齧欲飽柝夫催客夜行早星明沙暗宵氣澄火光亘  
接如龍燈長鞭勁響裂竹石四蹄叱撥擁梁脊輪飛忽歷山坡  
高又入礮道穿峯椒怪石怒踞勢欲鬥以鐵擊石撼將覆右輪  
躍起左輪跳使我兀坐神魂搖思躡行雲展禹步已聽前車轆  
馬仆

行過一峯天微明平阜十里趁曉征棗花香來指村屋黃鴉穀  
穀鳴灌木馬渴遙聽轉轆轤知有水飲急奔逐停轡問途阻且  
長經過幾堠幾田莊當道忽見一屍卧肌肉狼藉衣履破認是  
餓殍馬亦憐移轍讓路愁壑填吁嗟荒景何淒絕高原無麥土  
皴裂樹皮削盡如白鐵

驕陽當午炎風扇黃塵和汗裝鬼面欲語忽銜滿口沙一笑沁  
脾大嚼嚙饑眼望穿古戍樓山程迢遞驟鐸柔村人攔路招行  
客蘆簾土銜釜塵積脫銜馬滾旋奔槽人亦入室暫息勞彈冠  
此日喜新沐相視各還真面目羹湯微雜馬糞香飯能礪齒餅  
充腸孤燈倚壁仰首看過客題詩無數行

車帷掩映露雲髻琵琶側抱向人睨眼熟店檐旗影飄新妝買  
曲娛殘宵十五成羣去復止翠黛朱唇紛作市四歲女孩不解  
絃啞啞集戶慣索錢少小學成走街技一啣歌喉父母喜最愁  
貴客談燕京青蚨情重紅粉輕今宵更習檀槽譜明日襄陽來  
大賈

雄縣

蒼莽瓦橋路驅車出亂山風沙顏百戰霜角迴三關淺澤飢鳶



掠荒隄獵騎還遠金懷古地紅沒薊花灣

闡後送馬潤三孝廉金銘之津門

連牆賃屋感同岑怕聽鈴驟碎容心射策蘭成花樣麗尋春小  
杜鬢然侵故衫尚流丁沽酒新帖先催甲第金再理關裝纜半  
月櫻桃園外綠成陰

張詩於孝廉祥河以所著小重山房詩集見示賦贈

采菴同住泖湖濱握手交從輦下親花影旗亭新樣曲戲場袍  
芳倦游人文章小劫紅牋字懷抱中年墨綬身君四上春官不第以館事期滿

當出為他日刻藤須寄我江山橐筆倍精神

哭座主覺羅文敏公桂芳

一輪御月墜星郵嗚咽漳江水不流公奉使赴粵卒武昌道中西掖綸機

懷杜預南邦金節失蕭侯出都後即有總督命誠通

帝春賡歌盛

思恤臣勞禮數優卒後贈尚書銜猶記青驄早朝去黃門羽騎盡淒

愁去年禁城騎馬詔賜

台階事業日方中何遠乘箕向碧空鐵網才皆青眼客金貂人  
是黑頭公臨淮勲德關休戚中立功名見始終憶到明駝辭  
陞日葵心展畫答

宸衷

大匠收材及掖構顏弓未勁許傳觀逢人說記江南句庚午閏中試律

詩有小畫認江南句為公獎賞後同門晉謁輒蒙垂詢知己慙懷冀北看山圻龍門愁底

柱風淒馬帳悵夷槃獨憐宋玉招魂處目極湘波淚灑寒



河兵謠

河患平牖隄安堵無夜驚河患作滔滔三汎愁為壑三汎濤頭  
蓋瀾漫鳴鉦防警淤泥灘我憂漬穴爾慶安瀾虹隄終古衝飛  
湍柳痺隨長波投鞭不可斷涵洞洩支流游甬不上岸江南葦  
蕩風蕭蕭樵人飽食誰分勞

到家

一水達門巷小艇疾如駛忽矚鄉樹綠客心先自喜入門一犬  
譁銜衣亂搖尾急遽呼耶孀驚言兒歸矣相與雜沓問就道何  
日始審視辨肥瘦屈指計道里都忘失意返和氣溢盤匱喜罷  
轉媿生默自檢行李

問父顏何悴父言我頗好酬應刑冗繁烟霞契襟抱汝發書三  
通到家收閱早歷言故鄉事瑣屑胥了了曰某條病死曰某仍  
壽考須知風花幻旦暮竟莫保偶談及科第父笑置勿道挑燈  
看兒詩夜餐呼太飽

阿母夜少睡刺刺問訊頻謂我無別慮恐汝太苦辛始也默心  
祝願汝早致身十年成薄宦或可喜雙親及余二月病喜幻憂  
則真夢噫時呼兒病愈仍感顰僮婢笑我癡積想竟出神壯游  
豈不好生汝僅一人今茲下第回吾顏展微頰未知狀元家父  
母果何云

夜靜入深房燈瑩碧紗幘新婦前致詞欲語還躊躇謂姑日衰  
病謂舅少歡愉倚閭常憂鬱妾勸意稍舒但恨尺書中不能積  
懷憶幸君賦歸來氣度仍豪癡年少偶失意未容泣窮途明日



潔甘旨佐君高堂娛我方息心聽一時喜懼俱藜藿有至味此  
志曷敢渝

六歲慙女兒雙丫伺門隙見耶笑不止欲出又藏匿問耶京師  
遠可在揚州北耶出大父憂髮不似耶黑教女讀唐詩字已大  
半識我愛女語真攜手立籬側笑指茉莉花開比去年白

訪笠華村居

曾盼吳雲繫別愁為君三日任蘭舟喜從下第圖良會茗氣梧  
陰六月秋

賦罷閒居憶紫荆

追悼令弟辛白

田真氣誼見生平夜深儘起連牀感

難得瀟瀟作雨聲

時元早

憂旱

朝聽鳩婦啼暮看龍尾挂朝朝暮暮雨不來庠水農人嗟甚憊  
將欲息吾勞高原龜坼良苗焦將欲活吾苗長此旱魃權孰操  
倉黃趁午耘身若投釜繫回視河中水不如衣上汗呼兒典衣  
并絮棉斗米價逾五百錢錢多米少心憂煎

野老竊竊無稽諱安得河決流而南遍灌田吟如深潭豈知妄  
行者乃在海濱民偷掘海塘二十丈朝朝夕夕通遙津枯苗忽  
資灌溉力編農稍稍有喜色異哉此舉何荒唐幸勿颺風海若  
狂不然茲土成湯湯

灘頭沙積高如阜童稚踏歌橋下走紛紛瓦石雜蚌螺一甌儲  
水珍若酒田夫舍業爭賣漿疏泉搜井徒奔忙長官令斷屠作  
羹婦能洗手無長官令齋禱咒水一瓢氣亦燥我家曲沼成蹄



三屏山人  
泔厨媪束手愁漑驚還索方諸澆墨瀋硯池波起凝雲陰

米貴

朝來索米走通衢錢盡猶難一飽圖凡骨學仙思辟穀貧厨誇  
富久炊珠折腰傲吏顏應瘦負腹將軍計未迂臣朔由來飢慣  
耐眼前誰更是侏儒

金蓼伊丈章重游津宮詩

業肆青箱六十年又逢篋鼓領經筵洛中遺碩猶吟社魯國諸  
生共叢綿老婦風情憶新嫁佛家證果重初禪鬢絲衫影花間  
過竟被人呼草聖顛

梓鄉典故傳司寇

謂王述菴先生

接武宮墻有令聲不負前期惟竹杖

定知歸路是萼萸魏三夢久無朝市陽五人疑古姓名留與新

即誇碩果儒林盛事屬經生

輓金麓村年丈郡博

忽張靈光圯清標憶渺茫道能融孔釋學早定行藏著述即官

筆風期御史牀南昀容寄隱

先生所居顏曰南昀山莊人說午橋莊

射策蘭成少題名夢得新琴裝催小試冰署寄閒身玉筍花前

容風甌竹裏人

用東坡過行教投詩江山供橐筆吟盡六朝春

蓮社既投紱草堂旋勒銘公孫誇布被魯望注漁經儘有濠魚

樂渾忘塞馬形懷人兼歎逝落落數晨星

謂姚姬傳李喬生兩先生

繼起璫璣美極書讀未殘遺詩丁卯集叢說癸辛刊羽化棲蓉  
主頭銜署攝官西州無限感六月愴夷槃

題陳愛筠琮煙草譜



詩人餘事聚花霏例仿丹經并錄宜採入青編無故實生憐紅  
豆是相思一篇香草風騷續四座清譚露品滋料得夜鐙紛校  
注樊川榻畔藝蘭絲

家家湘管碧雲含瘴嶺風光與細探俎雜酉陽評硯北歌徵子  
夜憶江南盟來桑苧茶星補老去通明藥味參呼吸未語遂自  
笑余素不嗜此拾君牙慧尚流甘

題家蓮坡翁五十小像

壯歲濯足吳淞流筆牀茗竈隨鳧鷗移家福泉水繞屋品泉吟  
罷茶經續胸懸冰鏡不露形粹然古質抱圓靈惟有閒雲相徵  
逐茫茫太古共醉醒讀盡奇書八千紙搖筆為詩追正始弔古  
高歌內史墳所居近平原內史墓卜簾小隱君平市年年佳日開琴尊羊

求索句敲柴門酒酣嘯詠虹氣壯草亭雖小羅乾坤行年五十  
神通漱有客擇言為公壽古人艾年經濟優公才未宜老林邛  
不然挾策賦壯游詩名上可驚王侯先生一笑欹岸幘野服蕭  
疎對秋碧誰歎盟心一卷石

田園雜興次芋香韻

香山池上罨薔菸招得遙峯對結廬沙市買蓑新雨後松陰餽  
犢晚涼初祭詩塵掃烏皮几焚硯門稀鷺羽車喜共溪翁喧社  
飲醉人踏月識村墟

偕芋香訪馬鶴汀山人導源歸賦長句寄之

一年展轉不相見江村淪寂俱貧賤子方抱疴守衡門余亦倦  
游棲碧澗兄弟扁舟泝鳳溪敲門剝啄驚蓬藜握手一笑視顏



色母乃飯顆太瘦譏展君微尚嵇阮客鍵戶吟詩詩滿壁自澆  
秫酒壽名花鉏罷蔬畦餐白石誰分元白兩家春子猷看竹來  
往頻尊酒論文意慷慨珠船倒瀉滄海貧惆悵馬羸勞轉轂塵  
衢歲月堂堂逐招邀里社結古歡何人西笑歌獨漉忽漫短衣  
長劍前青年鬱抱宜戕天懷鉛不學干時策採藥欲吟招隱篇  
後約更申來看菊投我詩筒作近局儘寫張為主客圖叢薄秋  
陰濕野服

嘉興道中

茶竈生涯笑轉蓬落帆亭畔晚潮通浪花搖動羨灣綠煙語微  
茫蟹火紅津鼓嚴更聲墮水野航歸路棹生風寂憐新月彎彎  
樣唱入吳歌調不同

過石門

走馬岡前趁碧流汀花沙鳥畫新秋渚田艾熟三家市水驛霜  
濃十里樓烟葉晴烘編竹席縹車夜軋攤鐙篝自沽村酒微醺  
後扣出舷聲和野謳

錢唐江觀潮

客舟沂曲江正及八月望臨流吊鷓夷轟天激駭浪初自海門  
來隱約匹練狀聞砮鼓遠雷銀濤列遙障瞥眼乾坤浮雪山勢  
欲抗萬馬競奔騰百谷恣雄壯橫江雲不飛石岸詫動盪倚樓  
見欲匿恐被陽侯掠縱昂天外頭何事婉豪放一展雲夢胸對  
此亦神王因思盈虛理望弦僅流漲倘非素車靈安用鐵弩張  
恨乏弄潮技擊楫發遐唱一笑悟逝波乘蟹忠魂宕何如河斂



觀休誇海論妄回憶翦吳淞微淑搖漁舫

### 韜光寺

踏破風煙步屨艱北峯絕頂有禪關徑藏幽寂寺中寺門對蒼  
茫山外山雲欲暝時盪松色泉於曲處繡苔斑池頭詩刻摩挲  
讀寺後金蓮池上有石刻白香山及韜光禪師唱和詩白傳風流悵不還

### 排衙石

蒼然闢雲根拱立整以肅兩行劍珮趨嵯峨環衛宿曾射怒潮  
回餘威懾崖谷至今藤蘚荒礪角來黃犢

### 四顧坪

平臺鳳山頂天闢奇偉觀江帶湖一勺放眼天地寬昔年校武  
地舊為南宋大霜仗迎金鑿憑吊衰草外猶拾殘鏃看

### 過陳花南司馬韶梅莊有感

幽居半日號吳村勝會猶留蠟屐痕烏戍官貧閒結社先生官烏鎮同  
知青山人老悔爭墩地為韓蘄王梅莊故址牆陰慘澹空埋石草色荒寒  
半掩門怕讀西華懷舊句今嗣益齋有梅莊憶舊詩碧蘿亭外喚吟魂

### 過葛林園

地仍錢氏招賢寺門對林家放鶴亭山客清齋數聲磬仙翁丹  
訣一囊經揖人古樹留陳跡鑑我蒙泉悟寫形賦罷小園開府  
在此間宜勒草堂銘謂周主梁山守先生

### 竹素園觀瀑軒題壁

山靜慣留客荒園得勝游泉光寒作雨石氣碧凝秋藤古馴猿  
洞蕉深起鹿愁濕衣空翠落想像屋如舟



既借汪雲帆茂才揚懋齋明經游輜光次日冒雨過訪別  
後東寄即送懋齋歸松江

筇屐登山素侶偕重來賞雨話茅齋踏歌風調憐潭水樂府吟  
聲湖鐵屋錄別何緣催畫槩探幽決計辦芒鞋秋來定與蔬羹  
約蟹舍烟波寫老懷

理安寺作

古徑夾谿苔翠封林坳路轉又迴峯寺圍修竹先通鶴人倚高  
雲倒聽鐘厨裏齋盤供紫葢閣中譚塵拂青松山僧有約看飛  
瀑雨後來支七尺筇

贈理安寺香泉長老用東坡送參寥師詩韻

豎拂九谿坳鑿澈泉光冷廿年講涅槃日月斬新穎度世千餘

言疏鈔大義炳

上人出註釋  
楞嚴經見示

况有玉雪詩象外得奇警雲霞色

可餐邛壑累難屏萬山欽特氣齊向筆端騁夙願初地游無言  
媿觀井息聽貫花偈頓覺龍力猛沈水證香聞金粟現空影一  
席話茶瓜便得無上靜知師繼佛石墨華入妙境安得淨土修  
結社棲烟嶺小閣坐松顛詩後有紙襖禪心永儘埽文字諦饒  
舌向公請

西湖秋泛偕戴香南孝廉寶晟

烏帽黃塵漲馬鞵重尋舊約叩林扉時香南自都門來六朝水碧漁煙  
香三竺峯青梵唱稀叢葦管枯吹野笛敗荷葉老製秋衣長蘅  
小幘摹難盡滿載山光隻舸歸

湖心亭



泛泛秋波淺舫攜紅闌干畔水雲齊疎林煙斷黃妃塔斜照沙  
明白傳隄人住壺中孤嶼湧天圍鏡外亂峯低滄浪一曲誰相  
和引出漁謳竹閣西

靈隱書藏歌

在寺後阮芸  
臺中丞所築

中丞椽筆搜珍奇精舍詰經輶軒詩遺編或恐委草露千萬卷  
付山靈司虎林招提啟洞石慘澹陰雲呵翠壁既非蕉園焚青  
史竟使後湖閱黃冊文苑精靈一窟并蒸出寶氣如豐城雲林  
蒼鬱冷泉碧月下定唱秋墳聲作者數百人成就春蠶吐絲五  
色繡棄置忍惜焦桐殘收藏合共名山壽試看香靄伴經幢花  
雨諸天散異光添與禪林作典故龍象力避鸞凰翔世尊一笑  
布金地分爾香火長恩祭我似金銀望氣來瑯嬛鈴索門須閉

歲暮感懷

臘鼓凋年雪意慳松陵門徑太蕭閒琴孤海上彈誰賞書借荆  
州錄便還供客園中三畝林誇人屐底萬重山松村樓指探春  
約欲共梅花證古頑

楊芾堂有慧日  
寺探梅之約

冠蓋隨人走上都依然卓帽澗江湖東方計拙難求米南郭愁  
深且據梧仕路無緣投白壁

春閒薦而不售九  
月未與學正之試

知交有淚灑黃

壘

計今年同年及故  
交下世者七人

平生踔厲劉琨志不信聞雞尚故吾

鍛羽羈禽未斷蓬草堂燈火話鄉風撥灰殘夜堪書悶縛柳長  
途但送窮自分功名同失馬虛糜歲月悔雕蟲紅橋舊侶時相  
訊凋悵南皮酒琰空

匹馬關山故自豪忽思白髮首重搔千尊夜醉金臺月一舸秋



乘浙水濤游子還家慙捧檄  
幾年伏臘喜炮羔  
淡懷聊趁殘冬暇  
田舍杯盃且咏陶

有慨

鴻飛中澤遍哀鳴  
詠入春陵少樂聲  
東郭有燔交富貴  
南村無社賽  
嘉平未輸官稅兒  
先鬻久斷炊烟  
盜亦驚試問明年祈麥  
實嘗新幾輩糜餘生

聖湖集

乙亥

人日與芋香夜話即送其之海上

雁後花前快唱酬  
草堂人日寫離愁  
探梅詩境園林悄  
煨芋風光几格幽  
懶散琴書飄短鬢  
蒼茫煙水夢長頭  
關心今夕團圓話  
又放春江蓑葉舟

瓜洲晚泊

酒買雙清倒一壺  
醉看山影翠模糊  
寒潮未落漁煙起  
為寫春江待渡圖

蜀岡二絕句

十里池臺草莽間  
隋堤春暖露仙鬟  
歸雅暝帶荒烟去  
送出遙青席帽山



錦帆消歇後庭歌誰訪南朝殿脚螺驕馬只貪青草地不知古  
蹟踏來多

揚州歸過太湖口

寶帶橋南數問津江波千里送征輪螺橫入畫濃如佛魚出聽  
詩立似人曾記灣消蓮北夏今來月帶竹西春凌風欲問鷗夷  
跡沽得清空薦白蘋

吳江舟次

小墅疎林未掩扉隔村影帶斜暉破菴曬晚孤罾捲三兩漁  
人竹外歸  
汀洲清遠卯天銜鴉軋聲柔到枕函指出遙山青一笠冬瓜堰  
北卸蒲帆

偕盛子履孝廉大士泛舟西湖見示長歌賦答

婁江詞客今謫仙輦下相遇一拍肩天使雲龍必有合題襟又  
上西湖船西湖與我舊識面僧眼佛頭日相見忽引春風換靚  
妝煙柳波雲明一片艣枝尖啣飛如梭水精剗破搖青螺老魚  
啞浪招可語水鶴拳足停迴波君時顧我發清歎長謠高柱苦  
寒調黯澹湖陰隔舸聽環珮風涼水仙笑拍殘銅斗傾瓦樽飄  
零書劍滿埃塵青山荷鋤欲埋我紅笠縛藤窳待人  
有約褰蘿涉中泚蘆軸神鄉從此始南屏結社續清吟負茲盟者如白水  
寄小顛上人

悟徹昌黎旨神交有大顛頽然方外士直是酒中仙破衲裁雲

補新詩選石鵠萬峯送蒼翠

師居萬峯常到竹林邊



寒食訪松屋巖陰初落梅峯屏容我看時引觀獨秀山勝為誰

開茗話烹團月琴情想忽雷懸知頭白卧醉嘯踏層臺

游臨光聯句

杖策臨光徑盛士招提別有春茶瓜聯不速章寶蓮鐘鉢喜

相親石氣寒侵骨陸我高雲衣翠滿身引泉蛇卧覓履子攀燈蟻

行人何點閒停屣伯林宗笑折巾虛巖松答籟破竈聲吹薪

險語驚先得履子清游媿後塵字捫青蘚古伯火試綠槐新瘦鶴

爭僧腊藏靈魚證佛因蓮池仍印月履子丹室孰修真禪境空無

淨伯天風嘯有神混茫江海合藏遠近越甌鄰讀畫摩藤壁履子

題名刻翠筠窺人山鳥寂伯送客洞狻馴嶺北巢曾寄藏樓東

夢未陳虎林歸路晚履子倚竹幾逡巡伯

西湖寒食

釘盤香過湧金門莞蘚荒原有酒痕纔喜澆山愁潑火鷓鴣啼

雨水邊村

山郭嬉春未縛滕晴絲穿地黠衣校紙錢零亂隨風舞牽上黃

妃塔一層

青袍吟倦不勝情夢到家山正聽鶯愁賦粥香錫白句三年客

裏過清明

通元觀

未叩松下扉暴聲聽剝啄黃冠舉手招樓閣倚雲巖引人林壑

深仄行曲徑曲天風振仙袂泠泠振萬玉觀內有芝胎茁肪階

鈴語答遠谷石上古篆文疑寫瑤壇讀盡讀蚪蚪字茶竈尚未



熟燒丹羨能真

宋劉敦居此  
號能真子

縹緲寄遐躅朝

瑞峯秀暮就鹿

泉宿緬想遺世蹤苔牀午睡足千年老鶴化忽披羽帔服禹步  
何翮翮持節騎螭腹我謂是赤松跪問長生錄

### 晚入梵天寺

石蘿深處聽烟鐘  
磬猶書乾德中病鶴劃沙人  
字白飢飆窺牖佛燈紅月隨行屐  
詩懷瘦用宋僧守詮詩雲卧浮圖  
唄響空欲問吳宮花草盡  
桃闌依舊散香風

### 三一庵

尋磬入深竹琳宮蕝壁根  
石潭蟾辟劍宋白玉蟾居此有辟劍池松壑虎敲門  
經塔含雲氣禪牀挂漏痕  
枯僧談圓事芥菴有兒孫

子履以詩約南屏之游積雨未果用昌黎南溪始泛韻三

### 首答之

襖辰澀不晴意慳秉簡返隔夕投朋戲積沈引忽遠森森長雨  
霏礎色坼陂阪枉書丙丁帖宿靈廐回挽南屏負僧約肯就伊  
蒲飯想像烟嵐景檜檣交枝偃鳴桃已作花妍英奈春晚盤礴  
興欲飛衝泥便策蹇

湖上寓公老明漪時邊舟晨夕蹤太數湖神笑不休作意洗牛  
背收興傳龍頭枯坐蘭屋裏懶雲時去留匡牀承漏瓦遷徙頗  
自由涼蛤吠枉渚朽菌生綠疇苦吟愁霖曲曾不滑達麝香山  
有睡閑啼髮心悠悠拚闕足瘦卧蒼容無暝投手握竹如意浩  
歌澹旣秋

有客詞滂葩識游詠往蹟東筍時見餉抗吟地可擲嘯侶靈隱



下題松復選石奇句謝眺攜劇譚康駢激腰脚養一旬攀崖定  
探刺險語張爾軍竹膜致三尺欲以此牋天霽景開岫壁百五  
休空過余心豈形役

春算出候潮門至望江門雜書所見

城陰微步踏青蕪莎徑杉蘿路轉紆為近西湖煙景好水村寫  
出輞川圖

浪頭蕪已積潭生

浪頭蕪水草名俗云此草生則水

擺木橋東竹溜平知是青

魚人過處一條葑路草鞋聲

春來風露足蔬畦園客開顏飽芥羹買得蓑衣背斜日一肩綠  
過菜花西

浴波花鴨鬧成圍荒汊板曾土步魚肥忽漫前溪風雨急遮頭

破網一漁歸

今年桑上挂銀瓶竹屋春深戶畫扁浴罷吳蠶園筍老鄰家剛  
剗鷲鷺青筍

吟航欲住白鷗家野水當門壞樹遮看盡溪南陰十畝青蒲葉  
底叫蝦蟆

偕陳榕圃上舍世望泛雨湖上晚宿昭慶寺

翻墨跳珠阻晚晴重雲黢黯一舟行山從萬樹青邊合水向雙  
鷗白處明孫楚酤開酒閣米顛滕腫寫江城催詩又擾禪牀  
夢數盡愁霖打葉聲

贈山陰盧葯林上舍烜

八米才名折角巾寒棠踏雨話相親乞湖賀監清狂客隔院蕭



修澹岩人盤礴醉書千弩勁滂葩題句一絨新為余題松塵譚  
快聽山陰道便欲舉橋賃比鄰

塵浣緇衣萬里還參軍自笑語能蠻三年枕雨天南夢一曲梅  
花塞北山會合昌黎開坵席文章庾信動江關有懷湖上聯吟  
侶卧倒壚頭破酒顏

與葯林雨話

掩闌三日黯苔陰水玉清談得素心相對茶煙禪榻畔閒愁多  
付亂蛩吟

貪涼中酒未消除小閣支牀倦枕書開闥紙窗頻避冷昌黎詩  
笑病中虛

賦罷愁霖若夢清不堪水墨寫江城新荷葉是鄰園種難得瀟

蒲驟雨聲

惆悵山陰雪權孤儘容翦燭話菰蘆簟紋如水香初燼一夜蓬  
聲夢鑑湖

韜光徑納涼即題寺壁

道暑叩松龕巨幹憂寒玉暢此蘿薜襟山趣媚幽獨寺鐘閣不  
飛烟語斷還續欲借鸞尾帚掃破蛤天綠

消夏六詠

葛衣

焚葛裁香殺吳衫試禿襟曲傳公子怨涼動故人心蟬翼輕能  
舉螢光坐未深翩翩新浴後露榻正張琴

梭鞋



樣仿無塵拂涼從不借招履聲何處聽纜影共君描戰雨千絲  
結吟秋幾兩消最憐輕步穩踏石晚蕭蕭

草笠

襤襪啞何拙玲瓏稚子編筠柔難障雨簷小不藏烟萼畫分秧  
地陶甌洗竹天只愁無箬葉未上志和船

葵扇

搖醒南塘夢龍川製最工圓裁宮樣月爽送水鄉風書破文漪  
碧眠殘編印紅撲螢如有約清響入蕉叢

竹簟

松陰催掃地八尺恣橫陳水影凝筠縷湘紋卷玉茵相攜三徑  
友高卧六朝人為有看蒸典支頤未倒身

藤枕

瘦卧芳松藉通中暑乍收雲為槐國夢風借剡溪秋文石披青  
塵冰絲綴碧虬半玉容茉莉錯認是秦篝

七夕詞

梧葉零風陸翠樓手中團扇易驚秋紅牆隔斷盈盈水夜半何  
人誓女牛

紙樣羅衣拜月時瓜筵蛛盒巧誰施殷勤欲向天孫祝不乞金  
錢乞綵絲

蘭夜低容蹙鬢雲聘錢多買水沈薰生憎夢見添愁緒恰是佳  
辰不夢君

門掩枇杷三女岡兩頭纖月共清光一番結縷穿鍼後從此蓮



花漏倍長

水雲居訪豁然上人

西沈移錫靜空天來闍去南十乘靜禪孤竹影如曇相瘦環溪  
流共磬聲圓已公茅屋詩難賦法照方袍道夙傳慳我十年煨  
芋約一龕同結水雲邊

雲居聖水寺題壁

西郭清涼地禪林閱廢興卧牆幢有宇掃葉殿無燈泉竇湮三  
佛寺有三風甌立一僧道場懷宋代世外布金繩  
兩寺合為一林壑如畫圖猶傳楊女盒無復幻公蒲尋磬樞圍  
屋開窗雁滿湖嘯臺長此築相約瞑禽呼

遊紫霄宮

行盡烟蘿上碧壇留雲閣下縱遐觀居懷仙令升古砂瑞

康熙中高明府  
改築以奉呂仙夢醒高人鐵籬寒下為鐵治嶺即  
楊廉夫故居故鶴無風鈴

獨語耕龍有地玉為餐石根篆跡摩挲遍欲借榴皮寫與看

松雨茶煙見道根瑞凝古院蹟猶存林多藥種樵人拾性好樓

居羽客尊霜葉渲紅湖曲寺秋蔬繞綠郭邊村幽懷快欲逃塵

網冷掛壺盞獨掩門

過溪亭

孤亭臨碧澗勝絮虎溪濱二老題詩地千秋結社因古松奇化  
石蒼鶻暮呼人笑我遊蹤託逍遙亦寄身用坡公  
詩意

登紫陽山絕頂

瑞石萬壘森玲瓏絕磴直瞰滄海東城市煙火圍不住削立天



外青夫容我聞山脉引天目洞府六六靈氣鍾媧皇偶試奇巧  
處茲山第一書南宮鐵厓遺宅倚飛瀑苔莧石閣雕三丰陟嶺  
竟訝凡骨蛻青鸞白鹿時相逢我非求仙恣幽討巖徑葦確支  
枯筇左挹湖光右江景萬象倏忽駭虬龍怪松偶與雲氣合盪  
作空翠層巒密封振衣欲仿蘇門嘯恐驚閭闔吹罡風游蹤局促  
困塵鞅眼界拘束號寒蟲安得舉手招元鶴花開玉洞棲疎瀟  
縹緲垂出二分足俯聽下界何處鐘

旅夜有懷簡塘蜀道夢塘徐州

木葉寒風檢敝袍天涯吟侶憶蕭騷官齋夜聽彭城雨筆陣秋  
飛蜀峽濤空想驅車輪有角最憐挾策紙生毛何時共醉西湖  
月畫舫涼燈壓紫槽

銅雀瓦歌

武林市上有求售者價值千金余無資論買撫翫再四  
主人折紙索題為作銅雀瓦歌

璇戶櫛櫛銀雲流金鋪細織漳河愁總帷蕭瑟歌舞歇至今陵  
樹悲清秋秋風秋雨蛟胎蝕泣綠團紅慘無色認是臺城銅輦  
魂六百鴛鴦土花碧魚鱗忽共冷螢飛雀兮低鍛翅不肥三尺  
珊枝落湖海濕霧瀟灑嵌苔衣我於市上發繡筍陶製古凝氣  
清悶岳響如鳴橫朔風沙紋猶染分香淚想像飄零辭漢仙瑤  
錢石竹化蒼烟鄴城一片春蕪影啼蛄弔月西岡田玉碎崑山  
珍片羽藏弄不教覽與伍拭塵細辨金粉痕琢硯未逢翰墨主  
為寫零縑發感歎令人殘夢憶西湖建安尚有摩挲物天水遺



宮片磔無

敲松集

丙子

送閨人歸甯

春流滑笏趁新潮不分離情寄短橈  
小雨棟花三四驛橫塘菰  
葉九十平橋吳衫綿圻能禁冷楚珮香  
縈半未消無那樊川芳  
緒減茶煙禪榻太清寥

兩年同泛總宜航慳我清游殢酒狂  
雲髻看梳石新婦風裳約  
拜水仙王閨吟須薤香醫豔家計休拋  
井臼忙莫忘比肩曾號  
里送梅時節盼歸裝

算春靈雨悶甚偶書

屋漏牀穿夜屢遷窮憂恤緯不成眠  
麥苗十畝青蛙國風絮千  
家黑蟻天田下何堪窪似釜河湮况復岸牽船時吳淞於塞  
東



南水利嗟荒廢誰上虞翻郊壘篇

題凌超風幽巖訪道畫卷

兀兀凌山史息抱淞浦曲峭行悟貫花元藻耽服玉圖作二氏  
裝幽趣媿盤谷客問訪云何非偈亦非錄  
太白月與影相對成三人東坡散在水頃刻百化身靜觀昏真  
我瓶拂猶埃塵試證贈答句何以區形神

購得渾南田渡江圖喜題二絕句

江光黯澹帶雲流旗占風痕壞堞樓笑我頻年身入畫烏蓬紅  
板泊瓜洲

字如柳樣元和脚詩有謝家金碧朕我欲事公如島佛六時常  
禮渡江圖

哭嫡弟奎

八歲童烏慧傷心惡疾嬰思渠何罪慝愁爾太聰明弱介嗟予  
季須臾了一生女嬃淒夜哭彷彿讀書聲

功名期互策後事且休論媿余為遊子須君作應門客來通典  
謁市遠計盤殮我父頻彈淚聲因阿買吞

我女幼無母相隨同齒庚憐伊曾失恃呼叔愛逾誠梨粟分能  
讓迷藏捉未贏殯宮依汝嫂祝為護榛荆

急返揚州擢余來視掄棺已非無服歲忍作勿殤看碧眼雙丸  
凍紅余六尺寒可憐圓月夜倍覺雁行單

儻浦舟晚

曲港叢蘆合中容一小舟緯低時掠草權緩不驚鷗曾步堆沙



出棉筐帶露收忽看三四雁紅葉已深秋

湖上觀紅葉

鹿頭艇子繫重划來看湖灣十月花憑弔鳳皇遺闕廢有人倚  
杖數歸鴉

霜乾翠晚蕭蕭裝點村莊一抹綃最愛楊王園畔樹夕陽紅  
到第三橋

瘦極雙峯澹欲沈松門欵段踏殘陰冷泉晚豔何人畫一幅長

衡小寓林

李長蘅有冷泉紅葉圖

結社楓林惹夢思懷人吳苑雨絲絲遙知吾谷秋先老難得崔

即五字詩

子履約從虞山來杭連日不至

西泠客館喜子履至即題其浙東吟稿

越中吟社續清緣振觸萍蓬動隔年只有西泠橋畔夢斷鴉衰  
柳似從前

敲鐙翻霜路未經浙東郭畫萬山青儘攜謝眺驚人句七里瀧  
邊問客屋

相投東筍抵兼金詩律精嚴寄托深莫笑中書君老秃夜寒雄  
劍作龍吟

曲腰桑下首重搔大布麤繒漫自豪相約狂歌走燕市酒徒今  
未失荆高

懷章虎伯吳門

迢迢水驛樹雲封人滯楓橋夜半鐘夢裡期君四百刻西風鱸  
鱸話吳淞



薄病乍起復痼南屏松光長老過訪翌日寄之以詩

三日不入山晨起情緒惡避冷北窗卧潦倒舊痼作脂髓隔日  
搜余枕擁如縛習靜聞打門野雲隨孤鶴知是遠公至深榻坐  
而躓未得一欸顏已覺輕手脚重展詩夢圖墨華滿林壑公詩  
寫余襟夢遠境轉拓力闢四禪災喋瘴道欲却楓栢紅未紅來  
就南屏約茅屋倘可賦行且掘山藥

和家子卿丈五十述懷詩次韻

三癸亭邊客霞襟近若何姓名容谷退歲月被詩磨避俗搗冰  
雪接慵補薜蘿嵇康倘能贊養宅有箕阿

輪囷猶少日書劍話滄涼壯志曾投筆高懷且踞牀琴絃陶省

事囊錦李才狂惠我瑤華集曾刻芳齋詩集長吟一舉觴

從溪波幾曲清歡托漁竿庚信文章老龐公禮數寬蘭陔循最

樂棋墅賭非難謂綬卿孝廉更啟楹書讀趨庭慙古歡

團扇家家畫風流今在茲身猶瘁鉛槧才豈老蓬茨自壽三蕉  
葉懷人一藕絲荆扉如可款應許訪深疑

金芝生同年鳳藻過訪草堂夜話

投暎來良友移燈竹屋低暖圍黃獨火冷嚼薩波蓬事業嗟驢  
券交游悵馬蹄謂簡唐夢唐西風林外吼款語失淒迷



一尺月齋集

丁丑

揚州元夕和顧卿裳

揚子津頭月鏡新酒邊相對各征人  
 早梅淺草江南夢畫鼓花  
 燈客裡春詩欲問天多倍岨岨  
 憐鄰舫鄉音熟又是萍蓬一段因時劉禹  
甫適至

良鄉道中

一帶西山霽色開郵程取次近燕臺  
 賈長江有疲驢子馱入王  
 濠畫裡來

淺水平蕪二月天惜春心事尚從前  
 垂楊似識江南客替折長  
 條當短鞭

地接雄畿客關裝車聲轆轤馬蹄忙  
 村旗俗酒無人問羞煞杏



花紅半牆

雪印紅泥迹未陳生平不浣庾公塵勞歌補入春明夢可少青  
鞵布鞞人

題王岡畫柿银杏縮本小冊

慈恩寺畔鑄秋烟絕憶江南帛脚圓一簇丹黃 不妨平

仲配君遷

嘉寶烏裊梁苑賦高林黃李宛陵詩畧如院體南唐本只少屏  
風寫折枝

山塘治秋詞

錦纜牙樁打槳過吳姬嬌唱定風波秋光說比春光好七里山  
塘月子多

隄上女兒看眼長近山慣說木犀香白公祠裏霏金粟不及儂  
家鬢畔黃

玉羅百裯覆蓮蕤靚淡衫裙出繡街笑煞茜茜紅裙六幅穿崖山  
上進香娃

驚鴻照影鬥芳鈿催起妃央渚底眠出水嚙頭浪花急櫂聲柔  
讓賣菱船

宿長洲費舍賦贈倪丈雲裝伴

賃廡棲遲愧伯鸞秋風竟忘葛衣寒酒因奉母偏供客棋慣輸  
人不但官壇坵斯應執牛耳杯盤還為就豬肝撫絃莫訝商聲  
急世少鍾期未肯彈

吳門中秋仿古意



幾尺吳波悵玉真，劉釵又記月痕新。  
六經篋裏藏螢燄，百福香前熨翠顰。  
風冷梧宮憐鄭旦，夢慳桃洞遲劉晨。  
尋思子細何模樣，故耐雙眉待畫人。

愁望蘅皋守短牋，鬱金堂北帳如煙。  
玉清嫁杏迎雲母，渚府寒蓉配水仙。  
道遠兩心銷印篆，夜寒半臂想裝綿。  
新蟾便是紅牆路，輸與雙兒對影眠。

過塔射園贈主人張遠春常博興鏞用東野游城南韓氏

莊韻

嵩山著十志，稠疊羅園中。一尺落蘿月，半琴鳴篠風。  
露水滴喬木，峯氣橫方空。主人富文藻，剡刻苔石叢。  
我誦拊闕銘，墜歡賞不窮。願與林神約，來往寒裳通。

橫澗道中

彷彿斜川路，秋深泛野橈。禾人翦渡眠，舵客聽潮卷。  
畫蘆三尺孤花滬，一條烟村銜火近。約略是南橋。

泊柘林訪夏論園進士際唐於柘湖草堂

溪邏鹽田古俗存，扁舟向夕海雲昏。  
橫塘窪水多棲雁，斷角荒城早閉門。  
荷芰服為騷客製，菰蘆味共釣公論。  
未妨陽羨償前諾，醉倒茅柴老瓦盆。

過趙茨山復亨村居偕其弟牧卿謙吉宿厚兜寢室次壁

問邵子山韻

相思旋命駕，會合意殷然。十日平原約，一區陽羨田。  
桑麻歎情話，雞黍結前緣。卧甕人何在，誰譚掉酒船。



燕市狂歌侶相逢一感吁誤人門難傲玩世牧豬芋莫使朱顏  
謝空嗟清夜徂脫巾槃礴氣羞學論潛夫

子西居隔浦招手到林園適唐遠春至菱芡新供客蓬蒿半掩門商  
颯攪秋夢詩思落荒村莫漫生離緒重看疥壁痕

題王嬾雲恩澤夜雨讀書圖

巴山老屋瀉寒秋獨抱遺經上選樓沈約傳鈔永明體馬卿瘦  
卧茂陵秋三千牘裹窮簪枝四百刻中懷阻修何日鱸鄉亭下  
泊紙窗宿火聽唧噥

食菴集

戊寅

西余山中晤殷星喬瑞偕入宣妙僧舍話舊

招提忽朋盍促膝借園蒲頓覺曾襟快相驚骨相癯緇塵浣京  
洛阜帽涸江湖却被閒僧識高陽舊酒徒

蹤緣貧賤合交怕性情真讀破萬餘卷孤行八尺身世賢羅散  
木逐客賦芳蘋絕憶柳東社悲歌要此人

半日山中話何如果巷邊君在京師偽蛾首傷見嫉駁骨買誰  
憐西笑招魂句追悼南征下水船開澹湖柳棠詩看雲兩家夢

兄弟各幽燕余兄愛芝及君弟

緬懷徵士蹟清獻上煙嵐移爾紅憲館君家鄰茲茗帚庵長鏡  
劇蘭菊短權泛花潭余亦耽山趣牽蘿共結龕



徐恕堂明經朝俊屬題暑夜著書圖

算術宗師理數醇中西精蘊得傳薪銅渾自造張平子玉足靡  
詳郭景純疇器直窮天地秘儒冠偏誤廟堂身相門謂文舊有  
聯珠集絕學專研讓此人

世經堂古散梧陰堂為文編刻丹黃歲月深鴻筆洞包才學識  
螢光照徹去來今山中宏景兼方技洛下周羣辨苦心他日獻  
書儲四庫中箱珍重抵南金

訪王笠華於秋涓村舍未及過黃薇御齋寄懷四絕

秋涓冒雨繫吟船未話巴山客思牽四百刻中雲隔處懷人先  
賦舊庭堅

抑塞玉郎研地頽不堪離索老江濱書聲夜夜黃茅屋却幸蕭

修住北鄰

擲簡操豪翰墨場少年奇抱筆凌滄人間殘月微雲白到此方  
知是女郎

陸瑁湖頭下講帷隔年預為悵分離期君勉續唐翁派大雅堂  
中萬首詩

重九徐心齋馬鶴汀過訪

二客閒如鶴隨雲款戶來一秋詩筆健九日菊花开野服存香  
道清譚見逸才

周泉南郁清以書訂湖上之游十月二十九日偕馬鶴汀

王子薌家著山渡湖訪之宿孫氏鶴栖山館

江國西風落渚蓮詩翁書札記秋前招來野艇人三兩便趁山



厨酒十千主人所藏美閣時通波圖籍古亭開光祿水雲連荷  
衣迎客聯羣從謂孫歆山昆仲難黍深叨地主賢

孫子蔡閣既屬余字之矣率占小詩以當字說

麟角鯨牙稟夙姿三加鄭重肅賓辭即看梨栗推兄日已似揚  
梅對客時宅相魏舒真玉立君為泉南甥史編崔瑗怕珠遺期君寇

副傳經志荻字蔓枝展轉思

泉南以程幼安女士四十生朝詩見示內有句云試問梅

花何自瘦飽霜嚼雪早含酸為時稱誦賦此和之

壺史流傳姓氏馨卷施詩蹟滿淞汀寒梅句裏墨花淡苦竹聲  
中績火青粉水不波情黯黯爐灰無字夜冥冥漫誇茹藥含茶  
事嚼雪年來味憤經

### 題周泉南十柳田家圖

半畝莊前踞地絲幽人卜築稱蓬茨蘆花庵主梧溪子柳上風  
流代有詩

十圍樹長惜依依鋤下稔康早息機添種桑桑分壑界水田幾  
幅似僧衣

乞米平原曾有帖移居東野并無車却翁未識先生屋蛙蛤聲  
中第幾家

堂前萬柳綠氍毹驟雨新荷曲燕酣一樣酒天詩國裏露條烟  
葉夢燕南

約共迂倪歛隱廬三年前倪丈雲攀枝仍悵蕙風疎濃陰中有  
青松社願向君家作壁魚唐張祐句



薛鈿烟波圖畫存頻年芳綠湛清樽秋來皂莢量千斛憶我淞  
南獨樹村

題泉南淑配修亭夫人拔釵沽酒圖

泥飲田家盡故知高人妻慣髻如椎却教紙閣關心處十柳陰  
中小酒旗

圖畫流傳已廿春漉巾醉卧客來頻一釵賺得塙頭釀醉盡高  
陽幾輩人

自署杭州舊酒徒故衫襟上漬模糊歸來指點銀瓶索笑煞山  
妻應曰無

何年燕市共君游舊侶荆高發壯謳更向紅燈風雪夜倚壚狂  
脫紫貂裘

寄懷黃大酉香

有懷黃子久張爾歲寒盟蘆壓打頭屋菰荒折脚鐺忍負工色  
養挾冊事躬耕終日餐湖淥柴車不入城

同巷占朋盍過從周蔡徐謂鐵歌又攜鐙驚吠豹舉網得肥魚  
柳上青松社山中白帖書楓江搖落意莫放酒樽虛



菘廬集

己卯

春日將假館泖上以待家大人疾不果

船子灘頭繫榜便磨牛陳跡笑依然挾書擬學村夫子  
擷笛空懷鐵老仙未許浪游違子舍最愁力養負辛田也知慳此湖山

福楊原夫自號湖山風月福人零落詩人百番牋

有懷計偕諸友

自笑羈禽斂羽翰送人上策憶長安波翻大澤鯨喙壯雪沒荒  
山馬骨寒逐客尚驚紅勒帛酒徒忽換白木冠百香綬卿居京  
華朋舊如相訊水菽年來有古歡

蘇秦未及書三上余兩赴春官徐邈時於酒一中鄴女捧心愁見嫉

黃秋平趙牧脚俱阻於疾詩人繭足慨塗窮顧蘭唐客太原盛子要知賈賦



情猶熱悔不求官計早工夢裡青青烟柳景舊巢痕在御溝東

丁丑入都僑寓東長安街

王大莖華過訪云將下榻余齋為秋闈之計喜而有作

三月無書忽見過下惟要我借吟窩春隨新酒一時買硯與故

人相對磨君蓄硯十載夢欣重會合百年名恐易銷磨巖危未

慮清才盡憶課孤鐙奈爾何君痛失怙兼悼亡弟曾繪孤鐙憶課圖

日下舅甥傳著述君將校刊舅氏嘉定杜陵弟妹慰羈孤若無

隻眼書難讀君病左目便有長頭友可呼茅屋短籬詩世界茶煙禪

榻病工夫夜窗合坐孫莘老不道珠光起甕湖

泉南與余訂姻既有日矣書來詢近狀以詩答之

尺書動問近何為懶散情懷更諱癡師丈人時耽聽水別先生

後斷吟詩樂因嘗慣丹經熟墨未磨完筆冢遺惟有江頭芳草

長卧紅堆碧寄相思

抽毫白玉有符郎山抹微雲向擅場便學壺提田父禮儘思書

墨女兒箱天門冬酒詩頻和君寄詩芝生用東坡飲天門冬酒詞心太平庵祝最

祥他日畫圖傳嫁娶兩家春色共垂楊

懷人詩

題襟館裏高吟客名重郎家畫蟹工想像玉堂揮翰地江南秋

色在屏風安吉郎蘇門葆辰

文格清蒼詩律堅悲歌易水敬亭前萬人叢裡掉頭去尚欲名

山夫十年華亭王大音慶麟客宣城

藩邸傳餐賦子虛命宮磨蝎竟何如孝廉船定江湖泊不道香



無紅鯉魚 宛平戴香南寶晟

飄零天上張公子 獲落江南殷仲堪 更歎宛陵梅老逝 思鱸菴

北冷詩龕 華亭張詩於祥河殷星 喬瑞兼悼梅小庚春

八米畸人日抱琴 焚香淨課意蕭穆 若耶溪水雲門寺 引我青

巖布襪 心 山陰盧 葑林烜

冬仲薄游澄江蕭梧軒明府 瑾館余於署之西偏即前明

邑令黃公 傳鎮躁園也 羅園中所見各系以絕句

澄心池

方塘半畝鏡琉璃 敗葦枯荷一翦齊 笑我心思習井樣 寓公辱

爾似愚谿

寄傲臺

白露山人 黃公自號 卧水亭 科頭濯足憩 勞形惜無琴 客朗彈曲三

十三峯江上青

壽藤小榭

馭曼虬仙 鱗甲舒一椽 架樹結蝸廬 料應羞學元和脚 故絡驚

蛇作草書

桐蔭堂

堂前石筍 轟嵐霏 桐樹着花黃 雪飛鐵脚道人花 作飯生來不

識鳳皇饑

竹廊

涼痕篩檻 薄於綃 露薄風梢 界一條 略有暝煙茶鼎沸 又疑窗

外雨瀟瀟



綠波橋

富春洲上路盤紆洲池西為富春黃公有記小小紅闌瑟瑟蘆為問鷺鷥拳足立驚鴻照影見來無

贈毘陵蔣蕪初雲蔚

十年席帽峯前客牢落江城共歲殘築館儘容倪瓚嬾扶瓊差傲鄭虔寒舌翻奇論遺鱗爪淚洒荒齋感臂肝君述及亡友金芝生每至下淚痛飲拍君金縷曲君以此闕題余詩夢圖美人不用贈琅玕

寄章虎伯常州

夫容水接琵琶峽雪虐風饕兩地愁筆冢定栽懷素紙石湖誰贈小紅舟早知袖有三年字那得髯掀百尺樓相約酒人墳下拜劉伶讓爾醉封侯

題孫栢岩求己圖

圖作二像一坐石觀書一破袖提筐為乞兒狀

朱門梁肉饜軀殼長嘯孫登一晚中自署乞花場主號不知誰是可憐蟲

歌姬院裡韓熙載襪樓村邊石德林何似圖中人骯髒回首蒼鷺擲黃金

蕪初寓齋小飲

今夕不羈飲其如雪滿庭徑開逢將詡蒼古問劉伶邑有劉伶巷我欲攜蠻榼言登浮遠亭梅花窗一角看殺萬峯青

旅夜寒甚周少萊承甲飲予以酒賦此

我生恨不作醉龍街頭橫卧如蔡邕何為閑置車中二十日局促轉似號寒蟲逐逐浮名在身後何如即時一杯酒江湖歲晚



馬可無御冬之衣掃愁帚周璆家住夫容湖九龍山色軒窗鬚  
性不善飲好飲客真珠慣瀉牀頭壺宵來雪意撼茅屋近局招  
呼皆不速冰魚香腊滿座饜大斗十千酌我獨陡覺暖氣圍明  
銜酒星下瞰呼可磨澆雨但向督郵頌觸屏不顧倦僕憎漏鼓  
魀如耳強聒老樹不吼大颶歌談興可卻千熊罷嘆氣散成萬  
躑躅君不見杜仲寤劉伯倫寓公自昔申江濱江花江月娛千  
春不飲恐被前人嗔

郝硯奴文光刻石印見贈賦二截句謝之

何文以後運精思科斗羣身薙倒披傳法期君修印史稜中象  
外更神奇

弋銘獵碣探源深苦識山農黃石心常佩鱸香亭長字美人何

用錯刀金

賦答丁星階山長履奉

捧袂延陵道粹然冰雪顏定文丁敬禮講學蔡西山海嶽虛懷  
廓尊彝古色斑扶輪推大雅何止動江關

儒吏投簪紱門生闔草萊聲名前輩重壇坫大江開南國親騷  
雅西清卓史裁顧山千丈石重起讀書臺

垂問通家設龍門底柱傾萬座王桂文敬公昭明太子讀書臺戴恩光北斗感舊

曲南征薦士誰韓愈游山有向平定容諮古義碑版照緘羸

除夕節事

紙闌清如水澄懷物外觀盆梅花意怯檐雀翅聲乾村臘催殘  
夢江春減峭寒吳洲帆的的正好看烟密



虫竄集

庚辰

寒食志感

蕭蕭風木掩荒阡夢裡家山逼禁煙村郭淒迷人上冢鶯花狼藉恨戕天願常色養嗟何及祭不躬親涕泣然悽絕羈旅念慈母練裳日暮倚門前

贈蕭筠浦以霈

壽筵百歲蔭庭除人壽祖母太安壽屆期隨侍萊衣拜起居潘縣鯉趨花影裡梁園雁度雨聲餘判今兄通判中州畫開真本山園郭詩有天機水活渠海釣遺風傳十世君十世祖明御史諱鳴鳳著海釣遺風集期君珍重鑿楹書筠浦招同傅沆芷如鏡毛頌風鴻王幼泉景洵游君山

春游須盡日晨出暨陽城江湧青天濕山圍綠野平卷簾掃檝



影度峽琵琶聲山有琵琶峽座上將離客歡觴倍有情

條館聯朋盍繁花各自妍不言桓叔夏有恨杜樊川  
黎酒古原晚柳絲江店前攜將奇句讀驚起毒龍眠

送沅芷頌風之吳門幼泉還茗上

一颿風色曉淒然惆悵春城欲雨天快接琴尊三盞徑遠盟笠  
屐五湖邊到來鶴澗花如雪歸及苓峯草似烟看得好山定相  
憶時將順至滄江有客廢清眠

菜花

畫出茅檐布地金黃華十畝野畦深淡烟淺翠橫牛背嫩日濃  
香冒蝶心殘瓣慣黏田父笠繁英不上美人簪儘容此色豐年  
有草滿南園緩步尋

咏采桑女

盈盈十五不知愁晨理新妝到陌頭黃竹筐攜行路怯紅羅襪  
露上梯羞葉攏薄鬢神遊效翦入春莢響更柔逢着錦鞦年少  
子綠陰深處解橫眸

偶步城西隅碧樹清流風景幽絕即前邑令蔡公澍所云

小桃源也為賦二絕

城陰幾曲瀉橫波仙令當年載酒過為有卷溪水楊柳枝枝畫  
槩但聞歌

魚缸微褪晚潮痕流出殘花又一村記得夢游曾識路矮牆東  
面綠蘿門

田家苦雨詞



破屋牽茅檐溜長駮兒避漏夜移牀儂家別有憂心事積潦平  
田麥驟黃

村村布穀乞晴啼穀種先須棄稗穉傳說良方堪救旱預藏雪  
水浸空輒以雪水浸穀種則旱不傷稼

堞牆欹倒長青薄土銼松柴濕氣含忙煞吳娃采蠶豆遮頭草  
笠背筠籃

田水聲如泱泱泉安閒烏苻柳陰眠隔烟竹傘來人影知是鄰  
翁掠社錢

寄內

不泣牛衣亦可憐支持家計仗君賢儉妝嬾畫雙眉譜遠札曾  
減半臂綿晨簪娛親刈園韭宵銓課妾擘吳棉旅人取次歸帆

掛商略金釵抵酒錢

積雨晨起

潑墨凝雲卷不開浪浪澗溜破莓苔怪他倦僕凌晨起要看跳  
魚入檻來

魚衣篝上潤痕多奈此香殘酒醒何昨夜湖樓引清夢鬢花濕  
膩簾如波

我本湖田農丈人蒸黎炊黍約比鄰關心秧鼓今朝動掉尾烏  
捷卧草茵

筠浦自烹石首魚見餉以詩答之

棘未開花早品羞赤腮黃尾似梅頭晚來一箸誇風味不負長  
江繞郭流



果然公子縷水調絕勝厨娘嫩韭燒配得鳧葵蠶豆味酒人饒  
興一時消

送春和筠浦

中酒心情發墨天風風雨雨送韶年萬山濃綠前程杳畢竟春  
歸何處邊

殘紅褪落曉風前情盡橋頭別思牽花是將離禽去了東皇行  
矣莫留連

寓齋雜懷

茶村老去有懷清謂杜高士濟流寓高風千載情鴛鴦自傷羈  
搃志巴人敢附選樓名花農書來云桐鄉蕭君兩香問天罵鬼  
俱無用識字耕田兩不成曾未星槎懷片石底須卜肆問君平

時有善相者筠浦  
約共訪之故云

鳥聲寒甚雨聲多今昔風光未覺訛唐李嘉祐宰江陰信本看

碑勞夢想夢唐書來屬搨鄭羣贈筆起痒疥葉初贈園非日涉

花頻換詩為吟遲墨屢磨愁吟榻雲窗樹句故人渺矣吊江波

亡友芝生去夏澄江寄友詩有  
窗樹暗黃蝶榻雲涼碧桐之句

題畫

數盡江南落木峯清霜渲染墨雅濃烟汀定有掀蓬客  
懸

崖瘦竹筇

斃枝三兩老垂楊野水清空著釣航愛看晚霞紅盡處不知行  
過幾漁莊

贈孫彭山都督



旗纛風高白苧城真將軍是舊書生孝寬帳底三千牘小范胸  
中百萬兵致仕乞湖峯泖地君以副將致仕卜居茸城雄姿圖閣鄂襄名老  
臣筋力甯無用長願櫂槍海寓清

寓齋池上觀荷

蓮葉西南一鏡池渚紅瑟瑟媚烟姿涉江詞賦休嫌晚濯錦年  
華若有思驟雨未翻學士曲空波如寫水仙祠偶貪小立清香  
裏雪鷺風蟬並索詩

懶癖頻教日影移惜惜夏綠結成帷最憐倉雀喧殘穀只讓仙  
蛸飲上池美睡紗幮風定後嫩潮坑硯雨來時王褒僮約須親  
課種得新秧菊數枝

芋香伯兄聞余過歸之信自海上促擢回里偕王大笠華  
共宿草堂談論三日夜而去臨別又不能無惘然矣賦  
詩送之

鴻雁生涯影慣分得歸海客話奇聞晨昏共聚偏輸友甘苦同  
嘗況有文絨恨定隨東注水題詩好寄北來雲中年兄弟輕離  
別何意秋宵憶卯君

抵家兩日徐心齋馬伏甫金淡宜王笠華張石虛邵半溪

王隸華家著山兄雲樵弟先後集草堂得詩一首

松陵茶具載初歸過訪人多畫款扉拉雜吟聲出茅屋縱橫野  
艇泊苔磯圖中主客十詩友泖上飽黃兩布衣謂伏甫淡宜兼有三  
年懷袖字不禁心逐白雲飛時連得夢唐縵卿泉南范農諸君詩札



姚竹珊際唐齋頭盆蘭忽開並蒂書來索詩以二律應之  
素朵駢頭臭味同謝家庭院鬥芳叢最無人處雙鉤月不斷香  
來一翦風清影宛呈閩竈畔小名未識楚詞中水仙紉作蟬聯  
佩莫認姍姍對節紅

似此湘花寫照難異苔蹤跡對岑看騷才屈宋魂猶合說品蘇  
黃句不單賓戲雙飛銀鑿落明牋重疊翠琅玕只應海上成連  
操一撫幽琴綺石寒

得筠浦書以詩答之兼寄少萊菴初

炎夏懷人暑病輕書來促我掛帆行禾田略有秋成色詩版彌  
添舊雨情時為泉南採輯舊雨集寄問酒監周必大每思竹隱蔣元卿種  
瓜預築荒阡土一事差堪報友生

小江草堂夜宿聞盆荷雨聲憶澄江署齋池荷盛開矣偶

成疊韻二絕句

打荷驟雨為詩催憶別花時尚未開寄語蓮娃休折盡紅衣好  
待酒人來

涉江古意片颿催夢裡池塘水閣開身在火雲心似雪天涯為  
就碧筒來

秋意

月裏關河獨客身夫容採罷晚愁新瘦花瘦蝶如迎舊孤館孤  
燈漸近人儘有清蒼吳苑樹不應憔悴楚江蘋可憐秋興年年  
賦空負鱸魚四十鱗

江樓觀潮



巫子秋高上嘯臺，檣帆歷亂海門開。  
濤昏遠渚魚龍壯，日落荒陂雁鷺哀。  
暗雨織成波面網，青山倒入掌中杯。  
江神莫笑疎狂客，曾向錢唐破浪來。

夏母楊太孺人八表壽詩

蒼溪戟閣舊青箱，羨說萱闈八十疆。  
地近赤城鍾夏馥，家傳菽字重歐陽。  
一竿慈竹根枝茂，百笏甘棠姓氏香。  
我似幔亭峯下客，願隨彩隊聽笙簧。

澄江九日

高飈與我劇相親，一笑參軍落帽辰。  
黃菊無心違節例，青山故意健詩人。  
橫江影度吳天雁，弔古愁牽楚國萍。  
不為少陵難著句，異鄉怕見插萸新。

素娥青女太匆匆，落葉離亭昨夢空。  
騷怨流連詩卷裡，冬心牽惹雁聲中。  
自從君去尊無味，不共秋歸菊滿叢。  
儘道小春烟景媚，霜林其奈少東風。

題岳心如負薪圖

識遍條柯踏遍山，泉巖覓路總餘閒。  
頰肩為向荆扉指，縹緲寒雲盡處還。

羨君潔養采蘭居，負米生涯尚里閭。  
一瓣傳薪渾不易，金陀坊畔有藏書。

竹擔灣灣起樹根，游仙踪跡約重論。  
放懷擬學天隨子，補唱樵風過鹿門。



勗昂亭子蒼二生

人近詩書味最醇一燈雙管苦吟耽他年編就聯珠集定有家  
風紹靜庵

學問非於字句求潛心誦讀尚勤搜君看食葉春蠶飽五色紅  
絲十丈抽

題朱友三源歲寒三友圖即送伊涼之行

鱸鄉亭畔話班荆俠少輕裝正遠行白酒黃羊冬結社黑貂紅  
燭夜談兵儘摹肅邨碑中字不盡陽關遠裡聲約共春明尋舊  
夢歎雲重訂歲寒盟

題愛芝兄醉六山房詩卷

男兒生不識鄉閭北馬南船萬里途一劍隨身蝕冰雪千詩脫

口壯江湖消磨心力皆驢券落拓交游半狗屠記取連牀展吟  
卷肅霜表薄酒腸麤

臘日諸同學皆將別去送之以詩

囊琴匣劍整行滕凍檣聲中聽打水歸去消寒添小課紙窗竹  
屋有青燈

作賦須知駭選體學拈詩筆亦清腴微之少日多新詠為我催  
成摘句圖

兩悔風滿手一編園花開落自年年三間破屋周旋久尚有餘  
情戀玉川

虛心折節志專精盡是河汾都講生謂益預想東華春上學梅

花香裏讀書聲

明年遷館於  
景江從叔家



除夕邀同愛芝芋香兩兄祭詩松浦草堂為賦長歌

田祖索饗舞婆娑司命一醉頽微醺惟有詩仙詩鬼交相訶上  
奏詩星劣汝詩中魔長江祀典焉可廢一字一句精靈繫不然  
古來詩才昌一家何以兄弟俱隸風騷裔吾家伯也萬里走磊  
磊詩膽大如斗仲氏醉卧滄海邊詩腸盤折九曲穿賤子少好  
弄柔翰吟緒千絲翦不斷易水歌慨慷西湖夢繾綣今年二百  
江上為東筍叢殘積几案攤詩且復羅酒尊三人偃偻如乞息  
絮語喃喃向詩咒但願筆端奇氣撐乾坤冬冬臘鼓送神曲燈  
花墨花眩朱綠灌下醍醐頓覺心神足島佛拍手笑癡狂大小  
陸要作好詩能汝福準備年年賭句梅花屋

除夕愛芝兄招飲醉六山房

重舉鄉風節物饒兄酬弟勸酒同消村燈臘鼓渾如夢二十年  
來第一宵

缸花初放兩三枝小閣紅爐冷不知莫忘年時驢背苦開筵先  
祭紀游詩

登樓玉粲慣無家洒掃山窗拓故紗清供略有春意思香燄天  
竹臘梅花

鄰釀牆頭過百壺冰魚冬笋出珍厨惜無景秀南朝筆為寫平

原詩燕圖

宋嗣景秀有陸士衡詩會圖



茹辛集

辛巳

寄顧小瑛學博

清泰潤州

玉篇奇字刻青瑤愛向吳亭挂酒歌詩社千秋追戴許硯山一角對金焦清齋似佛吟應瘦小屋如舟隱可招此後相思憑寄與海門煙樹大江潮

茶船

甫里新添茗其篇裝來圓月漾甌烟詩青半寄吳船外水厄難逃顧渚邊七椀輕颺風習習雙旗暖泛葉田田憐他鼓柁無清思合配樵青竹裡煎

夏秣鄰孝廉見余詩謬為推許并欲覓句見貽則重累君以不知言之咎矣先賦此以闢其口且冀其善誨也



磊落君才五石瓠嗜痴成癖太相誣固空范  
師劉嘽不爾袁  
絲弟灌夫邑有豬肝同此累世無龍腹孰堪屠竟陵延致風騷  
主謂筠 吾道蒼茫未覺孤

題吳江王義亭小像

銀雲凍合小漁灣點出寒塘破墨山千里相思消不得蕭然獨  
夜片蓬蓬

雞黍田家夢不真鶯湖舊約太因循  
八年前趙子鶴同年  
拾遺鶯湖未幾其約圖中  
添箇題詩我定是他年雪糧人

答筠浦用高青邱始遷西齋韻見贈一篇

懸齋設一榻乃是詩酒蓮樂天居池上嘯傲私自憐花木弱庭  
檻數見非不鮮道暑任解西且移坐客擅所喜牖北嚮君山矗

我前嗟余困不遇中書禿年年聞雞竊奮起又慮干祿慙低首  
事舌耕經訓荒畬田何乏弟子嘲執業遵桓馬定交第一流是  
否裴佶賢並掃新巢痕裴磚意所便

蕭萋園三十初度同人集蘭修館以願君崇令德分韻余  
得願字

竟陵生替人妙發梨花論嗜酒見天真作畫流墨濕自葆太璞  
妾不作麒麟植年年披彩衣高堂頌嘉健今君覽揆辰朔酒為  
君勸鱗魚雪片肥茨苒銀絲嫩介雅屬擇言祝君學志遜但師  
陶侃勤且守龐統純我我棟棠碑相勗無胥遠海釣踵前歲堵  
世祖提學公著海釣  
遺風集事見明史 琴堂慙素願  
軒謂令叔裕 根蟠條葉敷此理

洵可券



山陰章上枝來自袁江晤於雲蘿仙館賦此為贈

扁舟載鶴渡江來好共蕭齋月下杯世上歐陽公絕少有誰肯  
薦表民才

年年衣袂沈塵多庾亮南樓足嘯歌瓠子宣房諳熟久高譚遠  
似瀉黃河

禪榻茶烟日影遲最宜瀉墨寫烏絲翩翩孝綽詩千首謂令甥蕭筠浦  
邀得王融擊賞時

題蕭筠浦大江秋艇圖

萬頃玻璃萬舫孤巫門秋色鎖三吳晴開瀟照空如許秀出單  
椒澹欲無紅樹青山懷小謝銅絃鐵板唱蘇眉窗畫筆清誰  
匹此是曹家蓑岸圖宋曹夫人有蓑岸圖見宣和畫譜

清微女冠索題墨蝶畫扇

粉本勝王著意臨蘧蘧一覺妙明心花宮莫訝紅如海此是西  
天共命禽

悼亡妻趙氏無艷八月初五日  
及年二十三

瑤想瑤情一旦休梅花無分幾生修六如枉有觀空法薄冷秋  
宵細細愁

小時鬢影淺垂肩助送辛勤但七年痛惜思同花上露宜哥不  
住有情天宋黃子思悼妻宜哥詩云  
思同花上露留得不多時

銀釵苗鼓夢依稀漸臉輕妝骨不肥  
漫夜即歸長於錢唐人  
漫夜即歸長於錢唐人

預計襟 禱佛祠阿侯抱膝亦清姿無端玉燕空飛去淚盡春



蠶到死絲妻曾有一男三歲而傷

頻年即主簿游蹤盼到歸舟洗淚容總帳半垂燈似豆那堪扶

病話惺忪余七月十七日抵家已卧牀不起矣

氣絲訣語咽無聲翦水雙瞳凍不清節是千秋卿大暮茫茫再

世頌長生千秋節唐書

生前容止太矜嚴繡格軒車課業兼今夕書床寒半臂更無人

炙餅香添

殯宮依傍魏城君酌告幽靈渺不聞苦竹蕭蕭風颯颯傷心怕

見女郎墳時權屠元配汪祐人殯側

儂影齊心記不真四看紙閣夢如塵中閨此後淒涼甚誰共縫

衣寄遠人內子曾屬潘水塘女史畫四首紙扇圖以寓悼愛之意

裏烟化去慘雲英空憶迦陵共命生比我悼亡情更切一聞幽  
磬一吞聲

女冠贈扇墨花妍世外蘭因締偶然果有華鬢堪脫劫營齋乞

與澱情禪中元日余過梁溪清微女道人以墨扇畫扇贈妾

單門薄祚感漂搖試撫祥琴定未調時余將除服淒絕草蟲愁裡織

不鯨情緒不眠宵

塞悲填恨百無靈惟有楞伽四卷經白香山句莫話玉簫來世事當

年陸展怕星星

優羅短命謝朝華黃土棲魂可當家何日銘幽仿熙甫斷香零

粉弄寒花震川集有寒花祥志

中秋夕和愛芝兄韻



月浸軒窗詩境寬  
杜陵有弟話團圓  
雲鬟玉臂無消息  
猶勝清輝客裡看

舉舉江南射策來  
吾家尚有謫仙才  
謂芋香應舉金陵  
倚闌可聽南飛鴈  
丁字湘簾幾扇開

前年江上酒如淮  
水閣填詞意大佳  
為憶南樓宿從滅  
蕭郎獨自詠秋懷  
去歲中秋夕在澄江偕同人集仙九水閣今仙九入都花農返浙余歸即東末句謂為浦也

瘦卧秋人玉漏長  
不灰心字換殘香  
素娥照徹黃姑怨  
宛轉機絲斷九張

重九日集醉六山房以九日樽前分韻得日字

園林搖落風雨疾  
寒頭呻吟慵不掃  
夢中突兀替萸人  
打破柴扉呼我出  
山齋荒蕪同僧廚  
十畝人烟落秋實  
開筵笑看兩尖

團各斂左手坐轉密  
但有白墮澆心胸  
惜之黃花插滿室  
我儕耽領幽居味  
隨例深愁清景失  
合暑鱸鄉亭長街  
何嫌秋巷莽蕭瑟  
買糕沽酒亦尋常  
料量詩債終無術  
漢波兄弟既疎放  
送酒王宏復真率  
謂笠華晚歸如畫  
醉人圖踏碎林華  
半芋日

十一日松浦草堂展重陽第二集

菊花同采蟹同持  
兄弟聯吟興尚癡  
重與洗尊展佳節  
青山紅樹謝家詩

滿酌蘭成桑落酒  
新調坡老嫩橙齏  
山人侵早謀厨品  
一尺鱸魚貫柳攜

雅游想在九峯巔  
葦月蕪風好放船  
却笑王郎顛欲絕  
心香展拜兩詞仙  
笠華索觀東坡笠履依葦香光葦像石刻



十二日醉六山房第三集

觴菊三番會傾壺刺濁醪一村荒鷺散十客醉龍象短髮應唾  
杜長吟屢和陶邾翁知望氣屋頂酒星高

贈郡守王孚遠先生

維誠

舊贊銓樞粉署班一麾領郡白雲間水衡清俸分孤鶴官閣疏  
絃響衆山卿月詞星廉典肅峯屏泖鏡退思閒忠文杯酒殷勤  
祝端為民生七邑艱

清門朱紫盡經生家世瑯琊大道名鄒魯淵源于定國漢秦碑  
版趙明誠秋葵恍怆依

皇閔春草吟懷夢使旌

謂令弟小華太史典試點中

珍重朝廷知治行未容

汲黯卧淮城

雨篠風篁染墨馨夢蘇重勒草堂銘鈞摹天水王孫筆傳寫吳

中刺史屏

郡屏有坡公風雨竹笠履象松雪書赤壁賦諸石刻

腰笛頌公追赤壁心香丐

我學黃庭遙知退食然絕跡靜比藤花舊日廳

江上尊鱸湛露鮮菌芝蒸出受恩偏平津築館勤延士清獻焚  
香默告天世有龍門撐底柱人期馬帳授青編生徒願率蒼黎  
化猶記單車學校先

題東坡風雨竹碑

水墨淋漓碧浪湖一枝風篠寫髯蘇宛然煙雨瀟湘夜如此溪  
山笠屐圍白塔紅亭娛野客金尊銀燭倚官奴流傳名畫琅玕  
比重別碑痕子細摹

偶尋耘老賦新詞肺腑槎枒染筆時此日苔花侵墨點當年荷



葉舞腰肢澄暉亭古埋殘碣海石堂空弄碧漪忍論元豐詩案  
事寒柯勁節令人思文忠年譜畫竹在元豐二年五月迨七月遂有烏臺詩案事

### 澱湖舟夜寄王孚遠太守

一船秋雨泊沙汀夢到吳淞海石廳郡齋有海石堂爭得頻洲清絕意  
使君雅像在圍屏

澱湖書院委榛蕪斷碣荒涼址有無誰繼循良龔渤海風流為

政况歐蘇國初邵侯龔公建澱湖書院有碑紀其事

九峯環翠印牀清卧治章公識此情想像殘碑風雨夜擇龍得

意戰秋聲

墨華璀璨賁蓬廬珍護千金錦褶儲報贈愧無青玉案請君飲

水食鱸魚時蒙以坡竹石刻松雪帖見惠故云

### 奉呈王孚遠太守五十韻

幡蓋來何暮誠哉太守廉一麾卿月朗五馬福星占商渚騰光  
皎蒲臺挺杞柎清門繇散佩綺歲侍帷褱憤問胡威絹頸供夏  
統嫌有書升司轡馬無怨重高蟾鷲摩霄疾雄鯤得水噲乍  
緇中秋籍遂典選曹載主爵漾澄叙嘲牆溟遠嫌紫藤花架密  
黃紙帽箱黔復旦重華啟垂裳繼照瞻屏風名早記車兩澤先  
霑無待題輿辟惟盟洗印漸雙旌臨白苧片牘凜朱鈐五博激  
清坐宗儒考察嚴飲水無草夜斟酒為問問我郡沮洳積偏淤  
洩瀆活早憂厄圻壤潦病嫉生驚每輟春糧杵空持刈稻鍊運  
籌須邨曹測緯陋胡恬請命宏猷建咨謀衆議僉倘非邀無恤  
何以解危阡騷雅沿波靡機雲比日暹玉篇奇字具尊菜宦情



厭餘韻松風歇名山豹霧潛壬申續壇坫癸丑補圖籟學紹千  
秋緒堂開四教規詩聲諧競病文體辨洪纖商高珏銅鑪周琴  
斷漆區煙篁坡老碣石墨趙家練退食鱸亭詠焚香燕寢添循  
聲俾召杜德寓庇羲炎矧對趨庭鯉還思接翼鷄皇華榮蕩節  
宮錦蝶蜚織言采油油草休歌析析鹽我公開畫戟賤子賦蒼  
兼阮籍垂青眼張遠認紫髯奉揚雲膜扇深坐水精簾危稊經  
能講羊侯性過謙別來蕭菽換蹤跡絮萍粘不耐江東困仍思  
冀北淹典裘駟驢倦淬劍鷓鴣銛紅板旗亭壁黃壚酒市帘勞  
勞馳雪驛舉舉試風檐急景憐周蜡生涯類楚鉗阜緇非復素  
辛苦為誰甜折節榮光被扶輪士氣快傾醪三泖底刻石九峯  
尖貞粹期從繆文瑤要受砭謹陳衢巷頌三不朽原兼

舟次胥塘訪魏半石孝廉行誤不值寄之以詩

一颿翦雨訪秋來盼斷幽居綠水隈野客停楓葉下先生門

掩菊花開錄藏碧血忠臣裔君為忠節公後人座釘黃裳大雅才他日

與君考文獻谷陽湖上讀書臺君今歲讀書

題語雲女道人花宮寫經圖君上明因寺

夙世禪宗秀聞香水自然愛參文字諦頓悟墨花禪筆法精三  
昧仙心解十纏輸他成佛早靈運美生天

為乞楞伽字幽巖叩竹局有緣皈白業無語寫黃庭玉腕柔將  
脫珠首慘不青自書還自誦清梵想泠泠

妙畫周文矩能摹李季蘭羅衣披繡竹玉葉誤星冠黃藥甚麼  
處紫文如是觀莊嚴珍品千臘護沉檀



夏間却君硯奴偶舉余小令數閱為吳門錢杏樓校書書  
扇茲校書復寄素成屬盡寫余詞自問倚聲一道便不  
成腔而女郎屬賞如此聊吟二截句以當綺業之憾

小詞傳寫到羊裙珍重紅樓石葉熏可惜才非秦學士枉教驛  
女誦微雲

旗亭無句賭雙鬟此後須將綺語刪自笑風清紗樣薄那堪重  
夢小敷山

十月初五日志感

光音天上恨茫茫兩度蟾圓冷故房碧土尚抽懷夢草青楓偏  
怨斷腸霜早知聲影千般歇何苦因緣一剎忙訴與花魂應慘  
切女君獨旦不成妝

小書畫舫聯句

賓館敞清虛名流接袂席岸上米顛船藏菜筍中鬱林石心交類  
飲醇蘇游踪託萍跡異地竟同岑好霜辰復雨夕檐溜點滴長  
甫紙窗光彩白促坐忘形骸少縱論動心魄扁舟恨晚來遇行  
卷看堆積且共論關河子相與考典冊廢輒摹晉字錄古銅校  
漢尺髣髴竹林賢蘇感懷草窗客謂花渺渺鴛鴦湖游泛泛笑  
蓉驛願結嵇阮濤甫並參頽謝格文史三冬娛少淵源一經鮮  
余為有對林雞膠膠揚盟高歌鹽昔昔推尚夙所款子清歡溼可  
惜韓蔡晷倏移萊陶覽運成癖莫負月華期林各抱凌雲策錢  
秋風雨殘游訪古巖壑闢長此毋別離甫端居探奧蹟題襟十  
得五少關韻一當百再補說詩圖揚花間佇雙履蒼子



新僕

給事依賓館薄才倘有情近前疑是客呼爾憤忘名舉目風光  
異低首意氣平工書虛語耳漸聽觸屏聲

喜戴雨簾周泉南花農至夜集雲蘿仙館分韻賦詩得接

字

三友如鶴不可招忽攜吟屐臨江皋閩山秋放何云勞一葉正  
趁楓江潮竟凌賓館清且寥接袖細履來詩豪渴塵萬斛杯開  
消寸燭不殺千蒲萄紅衣釣師戴進描畫卷出袖風雨號二周  
叩舷發短謔喚起龍伯飛文騷令我擊節首屢搔相思命駕水  
驛迢范張難黍期久要訪道證業追風騷報贈豈在英瓊瑤生  
恐仙翩難按牢霞漿芝餌常逍遙引吭相望青雲霄

十月十七日同人集雲蘿仙館為放翁祀生日賦詩紀之

江城風雨宵礮礮恍見仙魄勝驚翔夢中忽見淮浦什渭南初

度長毋忘起掃虛堂設遺象白髭紅頰眩眩光詞人紛會各展

拜寒泉秋菊羞我觴客有同里謂鈞同甲子謂聖一瓣共奉千

秋香此翁精靈照後死令我懷古情激昂翁生已值宣和季旃

蒙大荒落紀歲自是中原多戰爭旌旗閃耀河湟地黎陽一潰

相州沉南朝無人真兒戲樊樓燈火慘殘烽艮嶽烟塵逐和議

眼見山川半壁空悵望松亭一灑淚豫章京口復夔州間關奔

走風塵吏不信嶮巖蜀道難但知恢復神京易細雨騎驢歸去

來老乞祠官自捐棄萬首詩成唱健兒傷心絕筆書家祭嗟翁

潦倒錦鞍驕願翁神來放且顛淮船墜地事已矣仰溯未逾七



百年南唐書與老學記吳中好事今為傳風致令人思未沫蓮  
花博士梅花仙何必置身快閣上臨風洗酌江月妍且知斯集  
絕非偶侑神徵曲盈藤牋自恨詩孫墜宗派寒蟹氣咽無幽燕  
哦成略抵團扇畫巫歛不列齊房絃

喜仙九京兆發解

蕊榜龍飛特地開送君振策奪璇魁驛驢向具蘭雲足果向燕  
臺定價來

一紙泥金乍到家故人送喜帽簷斜心期不隔三千里挑盡寒  
釭及第花

喜毛頌風至

玉湖望遠意纏綿乍報津亭儀客船風雨深談貪片刻聞河旅

感况殘年征爽欲犯燕山雪行篋常攜漢子輒此去論文容跌  
蕩逍遙堂上對牀眠時將赴令兄凝樹  
開學爾天使院

贈狄蓮峯

初日夫容最少年羨君舉舉復翩翩劉綱眷屬烟霞氣嚴羽詩  
章水月禪同詠寬裳懷勝侶謂令兄及  
李仙九早吞丹篆得家傳遙知  
霧閣雲窗畔萬樹梅花繞列仙

九九消寒圖

不須葭管與蕭笳點染冰魂消息通為諧蘭閣新月今晚妝區  
畔試東風

新樣檀心仿內家調脂又綴一枝斜忽然呵鏡迴眸看笑似春  
風及第花



晚唐脂譜問新裁可是朱櫻是玉梅  
萼綠華歸空隱約暗香換  
得小紅來

螺盒蜻翹想故妝春人意緒費評量  
餞寒但乞花神福莫墜樓  
頭第一香



六千里游稿

壬午

元日

曙旭融冰雪重開浩蕩天儒生思奮策

聖主正求賢表石懷先澤

時新立先府君墓

編詩翔弱年

余自嘉慶壬戌始學詩今

二十年矣春暉何以報試誦

帝京篇

計偕北上愛芝芽香兩兄佩生弟賦詩贈行因和其韻

獨立蒼茫七尺身征車又指

帝城春黃雞白酒年頭社店月橋霜畫裏人漫以春糧謀拙婦  
最難手線慰慈親依依羣從偏憐別踏雪哦詩掩幅巾

題錢杏樓校書簪花小影



薄媚嫣然月裏人記曾顧曲證詩因沉檀薰盡誰消受那有閒  
絲繡洛神

女湖春色漾明妝消息沉沉白玉堂慙亂愁腸三影客定知何  
日見兜娘

疲驢犯雪走長安停策濡毫墨未乾奪取馮支山一角燕姬趙  
女等閒看

### 題靈澤夫人像

永安遺恨畫圖中繡甲珠冠劍氣雄嫁得蛟龍好夫壻至今環  
珮耀江東

### 露筋祠曉發

湖烟澹澹雨濛濛小泊祠前榜火紅打鼓發船須暗禱神靈先

### 借滿旗風

#### 五月赴官閩中出都留別之作

御筆親除作宰官勤勤奉檄上征鞏文章一第選

恩易民社三年報最難不分鼈吐回弱水謂閩中得暫教鴻爪

印長安玉河絲柳青如舊畫出離愁五月寒

追思庭訓恨難禁南望吳淞墓草深竊祿但酬將母志傳衣幸

奉好官箴汪楚庵師以學治臆說一冊宦游紀夢三山石閩三

夕夢見壯麗宮闕懸楹帖云三山三品石五月五車書醒而異

之似為蓬瀛天祿之兆迨楹唱二甲五十五名朝考三十三名

自付前夢或有符驗豈知即作宰閩中郊餞歌詩七子心輩下

投送行詩去去火雲炎嶠外問誰冰雪耀塵襟

六月二十日夏秣薊招同喬雲客廣文祝子常徵君周泉



南茂才花農明經季仙九孝廉蕭子滂公子集城南新  
居餞余入閩分得韻字

征袍抖落燕山雲蕭船迅泊蘭陵郡既開蘿館絃新詩復集蠅  
廬置佳醞前開故人賦郊居蔣徑誅茅陶甕蓮草堂小有羅乾  
坤庖福粗成勤灑拚嗣宗散髮待涼颺昌黎設簞蠲煩溫鷗盟  
六七皆素交鷄竿十千無我分時除斷酒拍斗高歌欲入已分曹射  
覆城爭鄣一笑火雲赤日中短鞭局促痛駭新帆指閩中行復  
行策贈江干訓何訓相契各抱牙期知相思莫忘元白問但愁  
縞紵墜清歡珍重瓊珠保令聞騷雅編將舊雨收時校刊舊雨集奇才會  
作殷雷奮談讌移時情未申酒痕狼藉茶煙暈七子吟成蒲筍  
筵鄙人笑押葫蘆韻

喜蕭雨香別駕應槐全

南中駭雅張千軍屈宋波瀾鮑謝羣片席談深將進酒一囊詩  
滿過江雲清風作誦誰申伯夜雨連林有卯君謂子滂欲與先生  
彈古調禽甌谷嘯不堪聞

題雨香澄江話舊畫冊

詩艇泊江干雲龍合孟韓清門餘感喟老屋共荒寒慕業千秋  
在浮名一笑看相期追正始楊陸再登壇

發錢唐江次虎伯韻

輕帆乍指越中行登翠巖光費送迎遠塔橫遮蓬背影急灘漸  
聽畫眉聲壓裝書卷全家穩隔舫笙歌徹夜清別爾西湖山一  
角回頭殊有故人情



江山道中

江郎山下好峯巒盡日掀蓬不厭看千里夢魂隨水驛一家粗  
糲託風餐清霜微染丹黃樹焦石孤撐烏墨灘亟慰慈親波路  
穩螺江此去少驚湍

倦軒集

癸未

題陳子茂少尹德培花嶼讀書圖

畫裡黃衫白石郎死央湖上結書堂詩人爭說陳驚座更有階

前小鳳皇

君為梅岑  
司馬令子

薄宦龍頭走軟塵飄零書劍又南閩翦燈愁譜瀟瀟曲同是吳  
中聽雨人

竹垞當年泛錫溪苗漁才妙未同攜知君果有探竒興花蛤香  
螺試續題

名山萬卷幾人傳鞅掌年華我自憐到此纔知書味好紙窗竹  
屋宛神仙

侯官署齋喜晤潘无害明經

即題其黃河遠上集



宦海名場各自憐，萍蓬蹤跡聚南天。著書歲月凋雙鬢，炙硯風  
情冷一瓊。金線裁衣殊可惜，檀槽按譜已堪傳。儘將詩卷迴環  
讀，人日梅花又惘然。

想見驅車走大梁，成臯訪古筆蒼涼。秋墳唱曲酬才鬼，官閣題  
名記漫郎。收拾英靈河嶽地，激昂意氣敷盤場。因君重憶青門  
客，謂岬畫壁新詞滿洛陽。

寄陳集園蕭申甫

善病陳無已，耽吟蕭子雲。聯牀圍萬卷，鬥韻敵千軍。異地春多  
感，寒宵酒易醺。天涯盡芳草，莫漫悵斜曛。

榕陰書屋聽雨

小憩榕陰聽雨眠，那堪永夕落階泉。投文重翦三條燭，入幕欣

依十丈蓮。

謂方穎齋太守

襟被蕭蕭催客夢，晚山隱隱動詩禪。釣簾便

有滄塵想，不必吳江獨夜船。

題金左泉桐心圖

定後有光明，橫渠戒頑蔽。原其止艮時，把捉豈所計。晦翁主提  
惺，用力見孤詣。人心在腔子，虛靈絕蒙翳。引于物物交，莽蕩了  
無制。或泥靜坐法，何思何慮際。轉慮蹈虛無，墮入禪家諦。所以  
伊川學敬字，植萌柢清夜。對影衾儼若，肅賓余存養。裕工夫，風  
月樂光霽。嗟余曠性麤，志意失防衛。捫心滋疚多，遑敢論道濟。  
日奉居官箴，方寸已叢弊。還當持問君，操舍曷司契。

和申甫兩窗詩

破窗風雨景誰仿，馬和之寒意動簾角。清愁上鬢絲，閉門聊避



俗覓夢不成詩獨有蕭郎健挑燈和楚詞  
同是江南客而為海嶠游梅花春黯黯燭淚夜修修  
路鄉書去鴈秋蕭騷各歎枕宛在五湖舟

題友人照

之子東南彥棲巖俗慮忘胷中誇漢聖座上駭唐裝盟志一卷  
石贈人三日香杜陵吟太瘦獨立笑蒼茫  
越王臺下客愛作滄浪吟流水澹詩品古琴明道心天高白露  
下海遠碧雲深徑欲刺舟去一聆騷雅音

玉蟬山館集 甲申

題玉湖村舍壁

採風巡稼到山家童叟歡迎夾道譁為布

皇仁宣詔令

是日傳紳士  
耆老講約

欲求民隱問桑麻催科難廢蒲歛辱

肅客欣將玉樹誇

時謝姓文童七  
八人來謁見

長吏新來無善政敢云霖雨

遍隨車

時村民喜  
得雨故云

宿尊山寺

郊外班春露冕行偶於初地憩雙旌到門古佛先微笑入座奇  
礪峭有情纜破冬心梅數點略參禪悅磬三聲挑燈便作遠  
想不省風泉徹夜清

打鐘掃地事全非猶認空山舊衲衣老去詩僧留壞塔

故僧定  
欵能詩



相逢野客話斜暉李孝廉卓爾陳明經樽過訪 酣嬉春社圖桑柘淡泊官厨  
品蕨薇却笑禪牀容久坐對人先避箭鋒機

題蕭遠村少尹白沙解壁

官小詩聲大有懷蕭子雲深山容官隱古屋貯靈芬墨滿崔丞  
壁碑尋爽滌墳我來松樹下獨酌不成醺

山行雜詩

筍輿藤杖恣幽探蒲口城西小駐驂天與看山開眼界數峯青  
峭勝江南

水禽啼罷暝禽啼投宿山家飽黍雞誰與雲林分客夢一聲疎  
磬度杉溪

夾漈墳前翠柏凋一重一掩引歸樵行行漸覺山程遠向夕纔

過綠塢橋

冒險來登大帽峯天風吹墜黛痕濃青冥萬籟消何有倒聽微  
茫下界鐘

層潭倒影萬松株中有晶瑩石筍俱似此仙源向誰說碧琉璃  
浸玉浮圖

籬封曲徑焙茶戶筧引清泉造紙家好與營邱添小景黃節屋  
外老梅花

遠望巖坳淺淡痕幾家烟火不成村那知徑轉溪回處金碧樓  
臺粉版門

雲蘿高處碧濛濛瀟瀟微光一線通最是難描樵女樣笠簷斜  
露鬢花紅



空山雨少澗聲遲  
寂靜漁梁月  
工時清淺絕無鱗鬣動一灣  
古水臥鸚鵡

山民歡躍盼雙旌  
兒女青紅夾道迎  
暫為停車通一語  
瘠田如界要勤耕

題蕭遠村詩集

花月關山筆陣開  
早年獻賦動金臺  
名場落拓人誰識  
塵海蒼茫我又來  
歲晚稻梁愁雁侶  
秋高首若病龍媒  
天涯翹首平津閣  
獨向江湖惜此才

字裡蟲天夢裡禪

謂君所著草蟲譜蕉夢錄

齊梁宮體富新篇  
那堪流寓羅

昭諫况是悲歌沈  
下賢卓帽還山容  
浩蕩金貂換酒與  
纏綿文章劫後誰知已  
定有旗亭萬口傳

竹崎舟次遲許少鄂

原清

張鶴汀

儀盛

兩別駕不至

出郭少人事涉江懷舊游  
悵然停濁酒獨自賞清秋  
疎磬烟中寺殘砧水上樓  
倚蓬不成夢併作一宵愁

許詢清似佛張旭醉而顛  
何弗乘秋興高歌一扣舷  
團圓舊時月純靜夜行船  
不省重關隔聯吟悵今天

題林可舟庶常

士傳

玉堂歸要圖

詔賜嘉姻撤炬蓮玉臺  
初詠鳳皇年宮花滿戴

恩榮重金屋同棲福慧全  
却月橫雲京兆筆安男長壽阮  
郎錢西清本是神仙府  
眷屬劉樊合並傳

畫錦南旋趣乘輅熏衣曾帶異香燒  
春風簾幙催雙笑寒月飭  
梭夢早朝儘有閒情修壺史  
是誰妙會記靈簫珮環聲接替裾



近同賦雞鳴佐鼎調

詠紅鸚鵡

朱鷺歌殘赤雉稀翠哥丰采愛紅緋梳翎未解含愁思炎嶠歸  
來却雪衣

珊瑚渲染羽毛豐慧舌還憐翦未工翦近日邊雲五色不知何  
苦鎖金籠

紅豆窗前坐影深相思不會誦觀音春濃莫訝朝雲散此是西  
天共命禽

簾波灑、引紅情玉洞桃花有定評余仿歐陽公賦  
意名之曰桃花絢爛詞章  
誰獨步江東成就謝郎名

題袁笛生明府鴻焚香自省圖

涼宵烟篆裊絲絲琴軫無聲若有思一點靈臺瑩四照知君想

到四圖時

辛苦栽花滿道山年來冰雪瘦容顏披圖未識韋公趣燕寢尋  
詩特地閒

擺落名心與道心片雲獨鶴是知音倘教不插塵中脚七十二  
峯深復深

循良治譜幾人傳紗帽籠頭我自憐到此纔知清福少鬢絲禪  
榻亦神仙

贈李瀾恬明府

腰綬隨身滿面埃濃春握手好懷開鄴侯故有神仙骨曾向屏  
風立脚來



霜清函谷聞雞度雲瀉黃河立馬看馮翊扶風成治譜古來循  
吏在長安

鳧鳥南飛又七關吟成噉荔證詩因倚闌愁譜瀟湘曲同是吳  
中聽雨人

銷魂絲竹感中年儘有閒情付錦箋斯地井泉甘一樣何人不  
唱柳屯田

題素笛生弄孫圖

英姿浴自鳳皇池對客何妨譽袞師留取調嬰圖一幅宣和院  
本阿誰知

萬軸圖書度閣充清秋高咏是家風阿翁竄愛於菟小人在租  
船朗月中

珍珠雙顆掌中擎又報祥麟出繡綳笑我筵前識英物入門早  
已試啼聲

百芳甘棠姓氏香遍傳閩嶠與伊涼他年一卷分甘話譜入笙  
詩第四章

題陳崑圃參軍小象

湖海嶽寄氣名山悵獨登孤高真孟尉蹤跡亦崔丞畫遍吳中  
扇題殘刻上藤憐余共塵海同夢一條水

諦視鏡中相須眉秋水容匡牀棲碧澗談麈落長松乞米詩懷  
瘦耽書道氣濃拈花成一笑門外萬夫容

題任篋川贊府沈錯上杭送行詩冊

宦轍莆陽判後先余攝篆莆陽君已循良治譜羨君傳江東未



困羅昭諫句漏誰尋葛稚川霖雨敷施歌父母閒雲舒卷即神仙  
仙衢謔定有輜軒採  
盛世龔黃邁昔賢

小傳雲館集

乙酉

螺江舟次懷笛生

乘舟最好雨  
終日貪看山  
光打漿蓬一樣清  
秋水牛渚夜可無袁  
虎唱新詩

桑麻雨露已三年  
報最初停單父絃  
時君初却侯官篆  
仍為使君留逸

興一花一石興纏綿

江南寥落幾名場  
舊雨關心怕老蒼  
謂徐媿雲郭頻加陳竹士諸君  
想像垂虹

橋畔路蕭疎  
秋柳不成行

廿年橐筆賦西征  
髣髴月消磨  
無限情此去燕山風雪裏  
短衣匹

馬快生平時君將北上

送周花農之平和



別久相逢喜滿顏  
吟鞭又指古松關  
草窗詞格嶽寄甚  
要看天南盡處山

地主賢稱滕子京  
謂藍村同年  
雲霞氣誼見生平  
聯吟合有松陵集  
莫漫匆匆唱渭城

踈踈瘦竹風吹汝  
渺渺寒江水寫之  
畫裡如逢戴安道  
柳洲亭畔刺船時

題伊少沂明經念曾聽泉圖

天下名川五百灘  
瀉君懷袖奏風湍  
芳暝宿清如許未  
抵家園秋水寒  
道山亭下揖經生  
落雲霞見性情  
我向圖中照顏色  
一泓可有出山清

話到將離客思孤  
故山琴筑費追摹  
聽風聽水從君去  
請展楓

橋餞別圖

君家藏沈石田楓橋餞別畫卷為尊甫墨卿先生出守惠州時富陽相國所贈

送翁二銘同年心存視學粵東

霓裳曲罷渺離樽  
一握停雲笑語溫  
衣鉢有人傳魯國  
姓名愧我附韓門  
同出魏笛生夫子門下  
玉皇紫近風塵隔  
梵宇樓高位業尊  
誰信匆匆牛馬走  
紅箋細寫墨花痕

手製黃紱履被囊  
治亭贈語最難忘  
官箴願作韋弦佩  
臭味清於蘭茝芳  
每為催科愁撫字  
從知報國在文章  
南來攬遍仙霞秀  
八百孤寒引領望

儒臣榮遇典宮僚  
三拜皇華驛路遙  
水鏡空明懸月旦  
水衡清切映星軺  
玲瓏鐵網收珊瑚  
樹瘦空筠龍貯藥  
苗十日暗中煩摸



索軒渠果是阿龍超

解首林生揚祖  
為余門下士

歷歷輜軒仰鑒衡更持旌節到羊城天風鼓吹三山遠海濞波  
瀾兩戒清檢點行裝輕陸賈按羅經訓重康成殷勤負弩無他  
祝合浦江邊願濯纓

毅堂集

丙戌

贈黃心齋同年

天涯滬鷺本同羣元白湖山韓孟雲生是多情寧獨我人憐薄  
宦又逢君政成南國甘棠樹夢繞西清秘笈文旂盡雄心學鑿  
語媿隅何事笑參軍

贈徐東生少府

焯

翩然屈宋是衙官海上孤琴獨自彈側帽愛參詩律細揮毫真  
覺史裁難江東未困羅昭諫廡下仍居梁伯鸞醉膽輪囷星斗  
夜與君拂拭劍花看

溪行雜詩

彌望丹楓翠榭妍荆闕畫本自天然山容宛轉供人看大好詩



家上水船

買來艇子小如鳧略置詩筒與茗鑪兩漿搖搖眠未穩鄉心宛  
度鈿山湖

茆屋蕭條石澗隈一星鎗火板扉開昨宵寒犬聲如豹可有山  
中裴秀才

贈劉藹亭贊府之藹

抱牘白雲際我懷劉長卿宦情秋水淡詩境碧山清傲吏羞凡  
近詞科見老成江東有仙尉藏跡不藏名

冷眼閱塵海竒遭幻夢如人稱良史氏自笑不中書卓茂循良  
最陽城上考慮丞哉膺

特簡名姓動

丹除

君由中書入詞垣改授江西縣令遷調繁劇因公去官後  
奉旨以縣丞起用選授浦城縣丞夫人遭際之奇蓋

罕觀也

一楫榕陰下深談臭味投文章扶大雅意氣振高秋詞曲耽姜

史碑摹錄趙歐擘窠書徑丈墨采被壘陬君善書大虎字坊市  
懸匾近日為琉球國

夷使  
購去

海外量移去時調任嘉  
義縣丞需才重保障流離歸社堡籌濟備饑饉

治譜王嘉著謂嘉義  
王明府屯田鄧隲詳謂鹿港  
鄧司馬從今清壁壘好與勸

耕桑

題藹亭一牀詩思繞梅花畫本

閩山高築讀書臺斜日江寒門晚開想見先生醉吟處萬梅花  
裏抱壺來



泖東回首舊茅廬百本寒英手自鉏余家泖南老屋有古梅環繞寄語園中  
添畫我紙窗竹屋讀仙書

題劉茂才萃英詩卷

探梅待雪競抽思曾向風簷賞好詩去冬校試得君探梅待此雪二詩絕佳遂拔冠軍  
事直須丹幾轉黃初大歷辨宗支

旨趣仍於卷軸搜性靈何事苦雕陂期君堅守滄浪說一瓣心  
香詩話樓

繹韋室集

丁亥

題章孝廉滄洲詩稿

我羨章安道幽棲茗雲陰怡抱仙骨溪隱淡禪心白社遠非  
遠碧深復深塵中滌冰雪把卷快長吟

送陳惕盟由楚入都

榕海相依兩點萍無端折柳悵郊亭書生遠志思投筆宰相家  
聲重課經君舊有寒窗憶課圖儘有雄文動京國休將騷怨訴湘靈遠游  
須記慈烏意捧檄歸來喜滿庭

屈子荒祠王架樓因君千里想蕭修謂子滂參軍將之官甘肅趨庭出塞兩  
難事勝畫典琴千古愁秋艇重游前赤壁清詞低唱小涼州故  
人若問麤官况一甕黃齏百結裘



戲寄章虎伯

荷鋪埋之此語奇達人猶未混希夷今朝從此無耽戀第一淵  
明止酒詩陶詩有今朝真止矣  
從此一止去之句

痛飲狂歌辛稼軒與杯盟誓有成言杯來再拜麾之去腐到詩  
賜不汝寬稼軒止酒詞有杯再拜道  
麾之即去有召須來句

漫說糟邱老此身山舟詩句妙傳神全軀發醅彭亨甚笑把饅  
頭例酒人梁山舟學士作飲詩  
比酒人為發醅饅首

我學昌黎耳不聞徒勞勸酒意殷殷多情季子樽空設為有私  
言聽細君昌黎詩人皆勸我酒我若耳不聞  
近季仙九有婦言和聽笑對俗句

題陳集園楓亭啖荔圖  
同作莆陽客紅香費品評爭傳亭長號余攝萃莆田錦  
私印曰楓亭長艷說狀

元名狀元香產楓亭暉為  
宋狀元徐錚手植玉露凝仙掌冰盤結水晶巢痕掃官

閣君舊齋前有荔二  
樹余格曰雙荔軒想煞絳囊生明徐燠有  
絳囊生傳

長慶寺中樹猶難比瀨溪竹垞詩縱好曝書亭集有福州  
長慶寺啖荔詩荔社  
譜須稽明宋珏有  
荔社約泛權霞墩北提壺笏石西前游渾似夢蔡帖  
快重題

四月十三日劉藹亭招同潘壽生章虎伯韓蛟門俞筠溪  
黃心齋集李氏花園得詩二首

牆東一徑訪花來綠醞紅泥對客開列座簪裾清似畫入簾養  
樹嫩於苔阮稽善病終逃俗楊陸譚詩已費才欲與園官通一  
語餞春買夏幾啣杯

張浚荒寮孟庾亭此間游屐未曾經笛聲催雨花初放琴韻撩



人酒易醒蛟門席偶觸鄉情吳苑樹又添離緒楚江萍鷗盟鷺  
約成何事湖海無端指客星

題樓雪珊茂才詩卷

天賦清才筆有神壯游湖海氣嶙峋湘中蘭草歌迷楚灞上梅  
花唱入秦贈友獨敦風義古詠懷魚託性情真東溟會掣鯨魚  
起羞向滄浪一問津

寄心齋同年

捧檄無端海上行金堤版築費經營勞人異縣魚愁病羈宦同  
年託弟兄河內寇恂猶可借淮南胡質不知清飲水恰稱修癯  
相一葉秋聲夢治城

從役海墘花農以詩見贈因和其韻

宣防欲慰部民思舊令尹來鬢有絲玉粒萬家安井窰金堤千  
丈固籬籬敷繡邾河渠志嬾和蘇公海市詩客館同君烹芋  
栗吟情最好早秋時

送何寅士先生陳臬粵西四首

兩扇龍門百尺樓早持符竹下瀛洲駟駘箴語官僚佩觿勇清  
聲士女謳物望尚思重借寇

君恩未許再留侯難忘四載趙承日纔學操刀使解牛

燕坐深譚吐樸誠官儀脫畧玉山行鑑衡月旦裴行儉臺閣風  
規宋廣平到處拊循能化俗此中空洞儘容卿天南榕荔無邊  
翠盡被階前雨露生

眷屬神仙比稚川養堂况有彩衣妍紀







寄秦當字富貴長生注斗科

惠安旅館晤無錫顧樸夫茂才以其世父春江明府綠玉

山房遺詩見示為題二律

春江名古章  
官永定知縣

東林舊學富蟬編奇字千秋有玉篇循吏何妨為政拙才人不  
章以詩傳晚蘊味在酸鹹外獨爾音超播措先消遣冬山行旅  
倦挑缸細讀廢寒眠

謝樹庭前見五枝

謂蘭塘同年暨樸夫怡亭  
峯如竹畦俱與余訂交

風流猶溯虎頭癡

盡收河嶽英靈氣不作齊梁側豔詞墨綬無家成宦薄碧山有  
社乞歸遲題詩振觸勞人意苦憶河東柳雪時

集中多山左  
行役之作

同舟圖為蕭子滂題

故人尺素馳長鬚山重水複來盤紆手持一軸錦裝古展看乃

是同舟圖圖中之人凡十一十輩當年舊相識個個傳神阿堵  
中除是長康無此筆愛而不見李青蓮鑄金欲事年復年千金  
一諾重季布微特詩翰誇神仙言行質直推夏馥八分兼擅稱  
三服博極羣書劉孝標談元未敢輕擬叔誰與好事蕭大山小  
山詩亦離清孱阿咸獨得阮孚愛它年莫列蛾眉班祝氏二翁  
尚高義象器為兄景先第傳道今年伯氏亡天涯欲墮傷心淚  
畫人畫骨張文通鬚眉還自傳形容三毫真態誰叔則一片雲  
臺誰看公此圖無繼亦無偶此舟信道人材數破浪乘風指顧  
問文章半係扶輪手結交盛道南蘭陵十年文讎如川增若不  
同心有如水雲翻雨覆天應憎筌蹄契協紛若鳳不起風濤憂  
患共而今蹤跡散西東黃金鍊得張高夢我與蕭青亦舊游別



來塵海一虛舟相思惹得秋衾夢夢向雲蘿  
遂俊流李膺李膺共誰濟挂冠畢竟輸居易  
宦海沈淪元不安中流振柁我其替

題祝慎齋醉菊圖

每話尊前有所思西風人瘦卷簾遲寫成楚  
客餐香意和得陶家止酒詩買醉時光賓雁  
到訪秋心事海鷗知年年但頌泉難老獻壽  
屏開畫折枝

運甓集

戊子

監造福州南城門樓落成紀事

慮事程材畚築忙丹樓依舊屹金湯摩挲廢甌  
唐文德元年文德元年觀

察使陳巖始眺覽全圖晉太原四年郡守巖高圖山川

高徹層霄飛拱楠樓高五丈六尺支憑獨木選楹梁舊制以細木鑲成

之廉泉酌注須珍惜是役係通省官計核徒庸不厭詳初密匠

四五萬金余力除浮冒實用銀一萬一千五百餘兩

片石平原字舊鷄城牆得一石有圖經豈有識先傳成由眾志

謀先協速未三旬素不愆粉堞夜明鼉社月錦譙晨卷蟾溪烟

雄文常與崇墉峙碑方伯吳公自書碑版精芒耀海天

監築莆田東角遮浪海隄紀事

玉屏山人集戊子



莆口東來砥柱雄金堤一綫走長虹防川自昔搏黃土壘石於  
今互碧空圩岸早聞籌蠹穴唐觀察使裴公次瀛壖失計徙龍  
宮明洪武間江夏侯周德興拆陽侯一怒闕民命形勢南洋釜  
底同

大府勤民惻怛真疏陳利病拜

溫綸官保制府孫公中丞韓公捐廉倡修登馮齊動三千杆石

築隄伐木畚土共負戴爭輸十萬緡莆人感二公之幸有白蘇

為郡守謂徐香况兼桑鄴是鄉人嘗修太平南安二陂及馮公

隄著有前賢俎豆馨香在謂明郡守黃公一舊趾成規尚率循

築長一千一百一十八丈立基依附土隄今仍其舊

省門營造記程材捧檄選趨海角來去年七月奉委監造貢院

工之八月潮驚千丈決萬夫力抵五丁開八月初旬颶風驟作

夜而量泥遠測青龍港青龍港為第一段泥潭採石頻探白鷺隈白鷺

山隄隄最近馬齒魚鱗參式樣參用浙省海塘築法魚鱗圖經

須要讀淹該

培薄增卑十一層蜿蜒外網見圭稜方程算熟千沙聚素笛生

於真術估計部勒條分百堵興斜築坦坡潮勢緩隄外亂石

料不差累黍勢深排盪浪土根凝以復隄根擊基豫作千年想擊鼓何愁力

不勝

令尹疏渠鄭白方謂王愛園明講求原委重隄防平徭應募來

陂匠南匠不足添募飛輓連犗唱編即莆邑船不敷運石徵募

縣二百艘編竹為籠規仿宋險工處用竹鑿函放水制師唐東



西二石函以洩溪水勺稽事事需羣力瘴雨腥風各備嘗

寓室卑依大海濤高喧邪許雜濤音不鳴鴻澤蒼生福永息鯨  
波大吏心保障生靈遵母訓綢繆堅壁奉官箴荷蕪未敢嗟行  
役勞者思歌笑邑黠

### 重修南臺曼壽橋落成紀事

扶翼飛梁志未曾放衙喜聽築登東新尚有捐犀守西幾何  
須托鉢僧馬瀆潮來千舳龍臺闕啟萬行滕繕修葺似安磐  
石不涉褰裳詠杜陵

牙錯環連結構宇玉虹終古壓奔濤作碑文亞端明古方伯吳公有記

刊石驅石才輸杜預臺半載經營卿善士一心津茂郡功曹吾

家舊事徵參佐溫庭筠詩參佐卧嘯滄江釣六鼈

### 監築福建貢院落成紀事

奎壁文光傍越山恢基經始憶圖艱鉅工勞賦逾三載廣厦歡  
顏抵萬間增建號舍至九千三百八十六間甃石為垣雲屹屹  
築牆周三百七十丈高一丈八尺浚溝如磬水潺潺東西文場各浚深溝  
五大外濬以洩積潦商量

安硯支鐙地矮屋周旋事事嫻

開府持衡仔鉅肩分條宣力仗羣賢布泉雲集緡輸萬擊鼓風  
馳匠役千百尺樓前天跌蕩三條燭下士安便笑余乞得吳剛  
斧玉宇修成月桂邊

### 送章虎伯歸吳淞

愁雨愁風負好春忽聞溪艇有歸人生平最是江南樂未敢留  
君為省親



王屏山人集  
作客平津禮意全詩囊多貯賣文錢勸君休索金貂醉換取泉  
明種秫田

相依登駟六年過髯也多情奈別何何日扁舟重訪舊洲頭灣  
裡聽漁歌

綠葉成陰夢未虛小紅寄遠有文無前身白石風懷好况有同  
舟范石湖謂范雪樓明府

挽王愛園明府 廷葵

七年宦海接塵襟更替山城一曲琴余却奉首回君來繼之敢謂聲名頭  
腹尾閒高事業去來今楓亭春雨歌遺愛棠舍秋風失舊陰試  
酌木蘭陂上水為君冥漢證初心  
三日羈留酒卮便成訣絕有誰知

覃恩竟未生前受省垣於九月三日接遷秩諭旨而君以四日卒於首署與頌還聞去後

思百里難賚磨鏡具一家誰辦買山貲臨風各抱人琴痛我與  
素絲淚萬絲

送富海颿方伯 兆揚阿移節豫章

福星御月耀南天榕海蒼生望澤偏騎竹重迎曾舊識栽棠未  
憩又新遷盟心早飲西江水揮手先招北渚船咫尺龍門依戀  
切光華盼到五雲邊時公將辰親入都

第一詩題黃鶴樓十年敬歷遍南州黔江氣靜梅花瘴浙水香  
探桂子秋筍羨年華如旭日張綱風骨本清流汪汪量與鮑鮑  
度濟世能容萬斛舟

昌黎薦士夙殷勤大雅扶輪衆志欣知己一生韓太尉清談竟



日謝將軍迎駟驛路曾披霧

甲申春公赴浙江都撰杖名山自

說雲

公曾登泰山盤山屢談其勝

傳誦良朋佳節句

公有句云佳節每從忙裏過良朋偏恨別時多

伊誰乞寫遍羊裙

雕鷲秋高肅羽儀橘橙香裏送旌旗紀恩再著朝天集採論如

鷄述德碑蘭座春風叨一月

公在任茆檐冬日話三時佇看

溫詔孚民隱秉鉞重來慰去思

賀張鶴汀司馬四十初度

秀擢清門鶴渚東敦經注史舊家風漁歌蟹舍元真子蓬徑書

牀仲蔚翁知有鑿楹探五際况今題座重三公水曹幸接鵷鷺

隊吉語先傳福祿同

籌海需才選別精轉轅早日泛瀛瀛觸即秋駛鯤身浪狷女春

耕虎尾營但使化閩常袞好不妨諭蜀馬卿行赤嵌咸戴神君

頌迅捷猫鄰起政聲

興安佐郡誦甘寒鷺島桃林澤屢淳着手活民先幼幼專心課

士在經經千屯鵠鷺軍偏靜萬里鯨鯢水不驚更有慈祥能折

獄裴公冰鑿眼逾青

強任年華偉抱開緋衣司馬比銀臺劉綱眷屬皆仙質章陟詒

謀盡妙才握手媿無青玉案介眉先借碧筒杯後堂絲竹容傾

聽應許橫江李妻來

題李春帆明府春明問字畫冊

春帆為家耳山副憲弟子

漢學淵源講幄開傳衣闥嶠得清才千秋風義推平糶曾拜田

公墓下來



自隨書局向陪京鉛槧相將弟子行至竟坡仙終海外獨搗懶

版送先生乾隆壬子耳山先生卒於奉天君適隨往經紀其喪

話雨春明數石交紀程遺墨手頻鈔一篇感舊蘇齋跋前後庚

壬事不清壬午之春借家建庵都門同寓借鈔耳山先生奉天校書紀程冊有翁覃溪跋尾謂庚戌壬子前後兩次

奉命往校

清門緒業感辛酸竹素堂前風雨寒竹素堂為耳山先生舊居落拓一官園

籍散可憐白首滯長安兼懷家建庵作令秦中

始讀書室集 己丑

送黃心齋同年卓薦入都并乞假歸省

縣花栽遍已三年上考書成

玉詔宣歌袴早登循吏傳稿豪再賦

帝京篇人知講座依常衮我識寒氈比鄭虔重到柯亭應似夢

感恩猶記撤金蓮

壬年射策記同盟閩海牽絲快合并肯讓出頭歐永叔况甘低

首謝宣城榕烟索句吟逾瘦荔雨挑銜話轉清忽漫銷魂入

畫溪流碧玉盡離聲

此去輕軒儘博歡白雲親舍望團團彼汾一曲人如玉此樂千

秋采有蘭衣染御香宮錦燦圖開家慶板輿安定知里黨多傳



說能報春暉是好官

無諸城外柳如絲  
情話蕭條惜別時  
白馬三更豪士賦  
黃河一閨女郎詞  
考先贈婦言愁始  
子美懷人入夢誰  
贏得琴裝輕似葉  
片雲孤鶴暮江邊

送彭小山同年

宗岱奉諱歸黔

宦游蹤跡似流萍  
忽漫離筵啟治亭  
親舍雲邊連棧白  
家山夢裏落黔青  
肅於漸近鷓鴣波  
康石先傳烏鵲廳  
莫使修邠悲報社  
南喬猶燦老人星

魚鮓封書益不能  
清名滿縣誦黃綾  
萬家襦袴依生佛  
百甕齋鹽比瘦僧  
氏不訟田勤種紙  
官惟讀律細挑鐙  
留鞞截鏡真情事  
况是同岑意弗勝

江潭蕭械樹惺忪  
遠指湘南路萬重  
一葉裝輕空蕙以  
五銖衣薄緝芙蓉  
秋風古驛飄靈旆  
寒雨孤燈聽晚鐘  
為計長途轉淒絕  
梅花瘴裡過三冬

水閣尊前有所思  
一番感舊更懷知

皋比几席開應廣  
孫韓二公諒君

清貧貽書點者  
大府推穀講席丙舍松楸植未遲  
讀禮最宜謀道味  
選錢但蓄賈文賢  
層雲膚寸儲霖久  
共盼東山再出時

題王仲山明府詩集

仲山名益謙

華頂仙姿十丈蓮  
一星滴到海南天  
奇探博望虛無界  
謂泛海事妙  
悟滄浪大小禪  
循吏何妨為政拙  
畸人不幸以詩傳  
道山亭畔聽輿頌  
環祝長生單父絃

哭朱小尊別駕

賈霖

即題遺詩後用朱石君先生哭張孟



詞詩韻

一官成旅殯哭寢渺愁子盛歲悲終賈名時惜范徐書空恒咄咄觀化悟如如慘絕彌留夜淚鐙對喻樗

旅館中惟喻子雲觀視舍歎

玉山裴叔則衝瘴髻微焦郵檄繩拘迫蠻荒帛沈寒青楓薄命葉黃柳斷腸條粵秀尋詩處羈魂不可招

為政未三月風傳一葉清文翁開石室學士訓家藏苦縣甘棠舍青嵐白玉京訣詞計功過

病中有官淺無功過句

猶戀蓋棺名

六朝文選齋殘錦割遺編鄉樹三千里曇花廿九年生才偏厄命補恨欲呼天世少張文蔚誰旌不第賢

題汪東木茂才林擘為圖

姚范詩句豔汪倫記共紅雲晴燕頻此景依稀長慶寺小長蘆

後有詞人

坡翁詞內誇纖手醜白輕紅待品評

蘇詞輕紅醜白雅稱佳人纖手擘

長日摩挲

三百顆不應唐突絳囊生霞瓊紅繞野人居暑雨園林畫不如忽憶舊楓亭長事露風香裡小停車

送王仲山之官崇安

一琴蒲酒上灘船只合詩仙領洞天小集未成雲匝匝

余歸自莆而君

已戒行將離無奈雨纏綿遲君芳訊虹橋板可我香風玉茗泉側聽猶聲繼清獻長陂綠水誦春田



冬筍味齋集

庚寅

讀劉後村集內太夫人生日青詞因憶母大人作

定省時光欠一旬  
旅燈夜雨倍思親  
錫齡最好青詞舊  
悅志常看白髮新  
蘭膳調甘惟取潔  
畫叉滿貯不言貧  
心香熟向天公祝  
老福長生古有人

西巖古寺分賦得斷碑

土花生古意一見費沈思  
漫漶前朝篆銷磨絕妙辭  
幸非填柱礎未可拓  
檀椎此景真堪想危厓負手時

懷許少鄂郡丞

石交挈性忘苔岑  
緘札惟貽潔白歲  
磨蝎宮中嗟共命  
勞薪爨後證同心  
春融雪海天懷曠  
秋朗冰壺道力深  
不敢告人勤撫



字年來驟覺鬢霜侵

問陳蘭士遠疾

我憶陳無已言愁句獨工花時春一半肺病酒三中欲訪琴師  
去同游玉澗東朗彈招隱曲天外鼓松風

口占示蘭士

攜筇載酒上囊山冒雨無端敗興還小憩蕭齋懷俊侶抱琴期  
爾叩禪關

寒食日王平華太守耀辰招集西湖雨中泛舟得詩九首

治郡賢逾崔慎由遨頭散策意猶猶天公釀就瀟瀟雨畫出吳  
波六柱舟

丞相祠堂曲水隈烟襟露杖小徘徊臺山一角松風歇又向荷

亭酌酒來

吉祥寺裏千跼萼春野亭前一朶山合配端明詩學士評茶品  
荔儘盤桓

桔槔輕轉正新潮雙鷺飛過梅柳橋省識問農心最切水田幅  
幅長秧苗

漁莊菜圃田家樂風景儲王句裡傳窠角村連謝坪嶼一重一  
掩晚霞天

香靄雲林睇不真清游難得好濃春看花况到將離候何惜香  
醪醉百巡

竹裡行厨洗酸忙簷花作意墮鵝黃空山獨有浯翁去未共沽

春舉一觴

謂黃心齋同年  
時入都未返



客得詩狂與酒徒蕭疎笠屐老斯湖誰攜懷懂南宮筆迹寫三  
山七塔圖

歐蘇賓佐氣清和梅石黃秦本一科十四先生香火後簾葭亭  
畔酒人多

送王紉蘭同年世荃謁選入都

觥棧舊夢繞京華春水虹橋放短槎驢券光陰如墜雨驪歌心  
緒似搏沙漠南楊柳今成樹江上芙蓉昨已花君曾出兩地白  
雲親舍近別家猶喜暫還家

李白當塗叔最賢風雲激宕獻詩篇謂令叔霞  
嶺先生羅囊解後皆芳  
珮玉笛吹來奈別筵三篋家藏理縣譜一帆人遠上灘船臨歧  
惟有殷勤祝早得虜書寄小箋

紉蘭將行復口占三絕送之

銷魂怕讀送行詩無奈郊亭折柳枝一片離愁今入畫暗山寒  
雨放船時

南來訪荔夢依依吉語先傳金帶圍彷彿當年姜白石扁舟載  
得小紅歸

螺江畫舫趁新潮此去扶搖上紫霄擁節重來侍蘭膳竹林詩  
燕再招邀

題許少鄂松林詞鶴圖



百代松風韻今宗鶴靜堂宦情秋水淡仙意碧天長玉潤無聲  
畫瓊田不乞糧清貧饒太守自劇茯苓香

莆陽訪碑絕句

靈巖寺裡叩雲扃不見文江舊刻銘天祐藏經零落盡伊誰搜  
出土花青靈巖有唐天祐間黃滔莆山靈巖寺碑銘通覓未得

囊山曾記考亭詩訪友莆中慣作碑敲火礪牛蒼野外祇今片

石重淳熙東埔田間覓得蒼野石有淳熙癸卯仲冬未元晦登字

一代清門經國勳道卿名父老參軍元之疏救徐公後特為君

家撰墓文宋王元之所撰陳府君墓記府君名仁璧係陳僕射靖之父僕射字道卿著有經國集

世人爭購荔支帖頑石雕鷄久失真不勝碎支巖下石忘歸十

字見精神囊山巨石有蔡忠惠摩崖大字詩云六合萬石見精神賴息空林月正輝琴中彈不盡石上坐忘歸

紫壇時復降鑿與手勅神霄刻御書想像上清宮裏事青田萬

侶舞仙裾元妙觀有宋宣和元年御書神霄萬壽宮碑上清講席鬱蕭臺依有青田萬侶來宣和御製詩句也

摩窠殘字浪痕班野史傳疑海湧山巧為孤忠留墨蹟黃冠何

意忽南遷海濱有演嶼縣志載為宋少帝避海舊趾有石刻演與聖蹟四大字蒼勁可愛後有文天祥書四字蓋後

人附會之作也

題吳西林贊府成棟赤嵌從軍圖

雄軍龍武自天來海日紅旗幕府開揚僕樓船真遠略枚臯草

檄是清才虎鈴早日神經授鯨窟崇朝貫索回合稱書生磨盾

墨推牛餐士頌如雷

青年挾策動公卿低首巖官氣未平入市賓王醪一斗踞牀叔

夏笛三聲風塵已悔違君晚肝膽深知為我傾回首殺堂容易



別金戈玉帳去談兵

軍令如山霧不昏兼施剽撫戴仁恩必鋤蛇草懲荒社爭獻柳  
漿保古村禾隴共迎羊叔子屯饒仍發趙翁孫猶思造艦如韓  
滉親督滕矐出虎門

傳箭心驚鶴唳餘短衣匹馬壯懷攄三秋海颺消螺斗一幅兵  
雲畫隼旗更想凌烟貌褒鄂最宜給札重瑒璩即今瀛島波如  
鏡常讀南塘紀效書

送瑞蓮石明府光量移甯化

琴裝瀟洒出山城比戶絃歌當送行召父來貽均水澤文翁去  
憶讀書聲蘭咳久侍心多戀俟秋涼迎太夫人至署棠蔭新移夢更清豈  
朋簪同惜別留驛載銓見民情

送遠村往會倪竹泉觀察之喪

淚傾知己寢門開海角招魂風雨哀嬾版未隨坡老去素車猶  
待巨卿來共期志傳貞金石莫任圖書委草萊生死交情憑一  
恸幾人越禮事田才

今年四月侍季父同赴興安宿于太平驛館今重過此追

悼有作

櫻筍香中共酒卮重經舊館動悲思生來死往渾如夢萬感千  
哀只欠詩空憶中郎誰可像最憐臣叔未嘗癡桐棺昨日經過  
地竟欲招魂返泖湄



夢蟲集

辛卯

題潯陽琵琶畫幅

秋江一幅畫蘆花便覺青衫怨思賒樂府纔知估客樂賣茶原  
不解琵琶

青衫送客自生愁一夕蘆花盡白頭輸與藏園老居士哀箏譜

出四絃秋蔣心餘太史有  
四絃秋傳奇

緋衣司馬興飛揚忽漫長秋淚兩行千載銅絃多怨恨梅村蕭

瑟對山狂吳祭酒集有  
後琵琶行

莆陽道中觀刈稻

千頃野雲黃作堆腰鎌踴躍快晴開微聞父老談豐歲顆粒都  
從水利來



王屏山集  
忽思淮甸倒狂瀾膏壤無禾萬戶歎我是吳儂無一策三江治  
水古來難

題丁月齡茂才凌霄詩鈔

翫辭欽寄氣於詩一寫心可人如晉格雅愛近唐音季布千金  
諾成連一曲琴編冠相對泣同聽夜猿吟

題月齡臨水紫門圖

淡淡漁村短短蘿伊人合住水之湄沿溪有客騎牛訪要話泉  
麻夜雨時

橘社蘋洲夢裡遊思鱸歸及稻花秋緣何詩品清於雪為近休

文八詠樓

月齡家  
住金華

水竹三分屋二分墨痕空處寫法法憑誰妙繪儲王景獨有江

南汪水雲

謂子  
芸

甫里猶存放鴨船蹉跎杭熟酒香天不歸枉與盟江水笑我曾  
無下溟田

送汪子芸布衣惠生歸榕城

聯轡霜華徑月過送君寒色黯江波青衫紅笠行滕好一路冬  
山畫稿多

客中送客意逡巡偶計歸期便滄神欲寄家書無一字白雲何  
處倚閭人

子芸畫墨梅一枝為蘭士志別題句

山人留別寫梅花花在苔牋春在家記得堯章疎影曲小窗橫  
幅一枝斜



入福清境賦贈任筠川刺史

玉融今鼓武城絃喜聽循聲萬口傳  
訟理蠓田晨判憤心盟魚  
釜夜烹泉金隄應繼即官美  
宋即簡為縣令修天寶祥水鑿能符二破民頌之號即官湖  
追許令賢  
明許夢熊為令識葉文忠公于童坐對山光徵吉語  
子中人稱水登君將試士故及之  
雙旌五馬縣樓前  
城南有雙旌五馬兩山

題吳松泉懋社抱琴小影

野服冬心稱抱琴  
谿橋曲曲有詩尋  
松濤昨夜翻秋瀑  
疑作成連指上音

夢窗詞格鬥玲瓏  
想喫鱸魚望柳東  
鄉思絕憐天樣遠  
七絃餘韻話松風

問韻曾登翠父臺  
六謁雲騎濯塵埃  
不簾十丈開先寺  
向匡

廬洗耳來  
君少時隨官江西

借山宜築讀書堂  
踏破苔花古月香  
之子不來候蘿徑  
清詩如畫孟襄陽  
孟詩有之子期不來抱琴候蘿徑之句

題錢研溪茶行脚圖

石頭路滑走無遮  
心與閒雲合一家  
省識清涼山行者  
打鐘掃地足生涯

鹽府參軍罔彩牋  
青鞵布襪興飄然  
輸他靈運先成佛  
不羨楞伽十種仙

題卜小鳩茶思楚江聽雁圖

湘山湘水碧迢迢  
寫出秋心綠鬢凋  
不待衡陽愁路盡  
一聲哀唳已魂銷



杜陵枕手看雲地坡老連床聽雨時蕭瑟一腔誰記取蘆花楓  
葉畫中詩

孝友題閣卜式家蘭陔侍膳燦雙葩連枝畢竟人間少欲種西  
天稱意花

姜被無溫耐一秋人天大願畢誰酬來生世世為花萼伯仲聯  
吟到白頭

和黃心齋同年歲除四詠

典衣

官梅東閣債臺邊一擲朝衫度瘦年范叔袍來寒至此長卿裘  
去故依然負暄常愛初冬日檢箒相思欲雪天笑我空箱早傾  
盡畫叉并罄典琴錢

乞酒

秫田荒後斷朝醒渴夢能知白墮名漫說得漿占在酉豈知貸  
粟善呼庚秋深桑落多風味春滿糟牀聽雨聲持戒近來依米  
汁坡仙何用負瓢行

炙硯

蘆芽呵凍意初融親炙情懷璧友同石面潤蒸蕉葉兩池心暖  
漾柳花風銷寒磨墨三升後索白圓爐一氣中收縮陽春留几  
席先生事業笈冬烘

祭詩

天子詩魂亦幸民叢殘卷帙几前陳年燈臘鼓迎如昔雪芽水  
蔬薦及新五斗乞靈惟酒聖一龕配食有茶神願君增祀長生



東散作甘膏萬井春  
時麥田久旱望雨故云

王虞山人

陟菴居集

壬辰

題榮水如女史銅秀詩集

誰信娟星賦此才  
匡廬仙掌滌毫來  
解從排側留真性  
洗盡鉛華見別裁  
寒袖更無修竹倚  
空山要乞瘦蘭栽  
早知詩品清如許  
莫漫芬芳比玉臺

梅花冰雪幾生修  
小讀塵寰侍宦游  
慧眼能羅千古史  
仙心不帶一分愁  
自稱弟子呈詩佛  
謂師事石顯居士  
合作嬰兒事  
隱侯謂傅

府贊題子芸小西湖紀遊後

梅柳橋邊放艇時  
玉梅未謝柳未絲  
青紅兒女全家畫  
金碧樓臺小體詩  
人說劉拱本仙侶  
我言班鮑益多師  
謂水如彩舟記



起前年事規甫遊湖愴夢思

庚寅春先慈壽辰奉  
安典為竟日之遊

二月二十日為蘇文定公生日李蘭屏比部蘭卿太守招

同葉小庾司馬高兩農舍人翁惠農明府沈夢塘孝廉

集小雪浪齋分賦七古一篇

江城風雨宵淋浪嵐漪詩屋開春觴藜香起為同叔專蕭瑟如  
對道遙堂堂前鼎鼎相師友通英閣下迴翔久岷俗二李坡詩  
誇海內連枝定稱首遠接精靈七百年蘇齋得髓今真傳嘉慶  
丙子績吟社紫裘腰笛仙乎仙太守藏樹根肖坡  
公赤壁開笛小象銀篆旗檀稽  
故事記歷歲龍十有四夜傾闔酒落簷花夜傾闔酒赤如丹隴  
坡公懷文定句也  
騰秦烹神所賜溯公友愛抱丹誠雲海相望共死生理骨酸辛  
羈栢院對床漂泊賦彭城老弟東來話疇昔筠雷萬里同遷謫

回首金花小劫前斷魂澗漠孤舟夕即今拜像掀霜須拄杖六

尺黃木扶濁醪新筍事已矣

文定除日寄坡公詩濁  
醪幸分季新筍可餉伯石蒲專意

猶可圖君家雙轡趨東府同履共裘一氣煦

文定和坡公詩畫  
出同穿履宵眠共

覆思鄉慣夢蓼頭泉聚廳各詠梧桐雨此夕春盤餽合熏離情

先指幔亭雲間徵餘話龍川志江上同舟呼卯君願瀟舊句增

振觸淒涼事付何人錄文定生日詩淒涼百  
年後事付何人筆我吟此詩公莞然

翩躚紫綬騎黃鵠

題錢研溪詩卷

秀語奪湘靈微吟蘭芷馨竹枝歌未歇柳岸酒初醒我欲攜長  
笛因之汎洞庭凌秋騷怨發吹徹數峯青

贈陳春舫太守大浴時監理平糶



三屏山人集  
鰲社何堪叫澤鴻，紆籌饗搆兩心同。長安米貴憐方朔，短札書  
精寶孟公官粥。桃花沾湛露，估帆瓜蔓，盼神風。願君媲美青州  
富二麥，先秋兆歲豐。

舟中苦熱

靜下湘簾午影疎，脩然飲水誦仙書。萊蕪原不因人熱，何苦相  
煎釜底魚。

舟泊延津蘇芸軒汪子芸姚慎齋遠送江干賦此為別

百折危灘鼓蘭楫，驕陽炙達滴汗汁。清風習習故人來，先指延  
津雙白塔。千古汪倫潭水情，五言蘇子河梁什。隔溪野鶴宛可  
招，江北詞人遇姚合。款語能令暑疾消，將離猶慮郵遞急。繫我  
輕航東渡頭，聊翦秋蔬作小集。勸君莫繪離亭圖，勸君莫鼓陽

關。墨天涯蹤跡本雲萍，塵外蕭疎但烟樛。此行豈為純鱸還，閩  
江待咏苦蕪葉。

寄祥女

汝本貧家女，頗循教女規。喜請陳文恭公教女遺規。儒風原異宦，母訓即為  
師。工楷勤書格，端莊慎閨儀。芸窗編日記，寄與乃翁知。

寄泗兒

九歲非孩抱，當思正養蒙。寸分陰倍惜，記問業交攻。舉止防佻  
達，心神戒惰曹。秀才養粥苦，莫忘舊家風。

舉樹上山謔

與夫肩重不堪勞苦作此命口號以代邪許

兒心兮母魂，兒形兮母神。昔御藍輿兮母之身，今駕素車兮母  
之真。嶺高三百有六級兮輿者三十有二人，一呼三喘息十步



九逡巡孤兒引綿兮步步跌奔祝母勿驚兮願母如生朝陳山  
教兮夕薦溪蘋母夢告兮勿憊兒淚盡兮聲吞憫兒兒若答號  
母母若聞勞倦慘怛兮呼天呼我親兒心兮母魂兒形兮母神  
憶壬午秋侍先太宜人入閩過烏墨灘有白云並慰慈親  
波路穩螺江此去少驚端今重過此灘不勝悲痛詩以

寫之

烏墨灘前叩榜艇勦苔焦石似從前驚端今比螺江少調語傷  
心已十年

九月奉諱旋里何書田明經寄詩為唁次韻答之

鄉夢迢迢谷水湄屋梁顏色月頻暮十年同抱金篋痛一个偏  
懷宿草悲道悼今山老學著書湖海續君受業王述庵司寇余為

倍深景仰歲寒結友雪霜私松斤攀樹情何已話雨逢君五夜思

滬城講舍即事

談經擁席重門墻後進深慙踵末行小學今推許祭酒知音昔  
遇蔡中郎許穆堂侍御蔡華亭淺淡未可容修綆塵境何堪炫  
古裝安得龍威三萬軸相偕校勘啟謨觴

生徒被化漢文翁謂吳菊生觀察溫露抱玉懷珠技盡工問字

客來披竹露訪碑人至話松風蟬篇斷句銷沈後時將鐸傳青鹿

洞遺言者錄中選中滿王司寇天下都講殷殷詢教法辨香淮

有奉南豐時以司寇分年

題喬鱗洲重葺宜園讀書圖

開府傳經地湘南一草亭編摩胎最樂中並公有位業契真靈



仙字無蟬食清詩有鶴聽後賢珍玉筍嘯對九峯青

綺歲遊京洛中朝盡盍簪精學才氣斂靜坐道根深畫粥千秋

業聞嘉萬里心君有出塞真洞蕭傳讀遍休歎知音

蒲褐三通貫謂王述冠篁村四部充山謂陸耳鄉賢富東觀後進奉

南豐樹骨淵雲匹探源屈宋同生才天有意騷雅振松風

媿入崔儵室園扉為我開舫陳青玉案池謝碧筒杯園有青玉舫讓花池

諸風雪飛賤去江湖載酒來平泉它日記莫忘舊蒿萊

贈李清如

十載停雲老弟昆西窗翦燭快重論庭餘帶草心香在君受業於先兄

芋家有編蒲手澤存章放雍和情最摯朱暉惜贍誼常敦芋香後

孤寡不能自存漢書獨行堪名傳何止人呼通德門

壽張一山金六十

清門十世舊家聲居近烟波滄瀆城玳瑁書裏誇孝子藜藿詩

廢有門生高風堪與王逢並素行何須許劭評最憶落花紅滿

地烏泥橋外聽春鶯

澹蕩襟期自在閒羊求不到亦開闢靈均初度庚申紀元亮編

詩甲子刑翰墨堆牀非俗物文章留選當名山寒竚一丈藪來

健伯仲承歡展笑顏

題潘朗孫桐陰讀書圖

河陽手澤勝遺編回首龍門輒泣然曾向含飴圖裏見含祖朗

有含結圖荷衣拜我廿年前

一硯千秋志范喬手栽桐樹碧干霄繁枝盡是前人蔭何事秋



聲賦寂寥

對床風雨弟兄情閩海相依一短檠尊甫古泉訪余閩縣官廨相與兩年極詩酒之樂

猶憶月明人散後榕陰悄聽讀書聲

頻年鞅掌悞驅馳每觸緇囊有所思游倦纔知書味好紙窗燈

火記兒時

題王二如壽康還讀圖

六經入聖基聖基首孝弟本立道由生事事具實際學古政賢  
關雕蟲恥時藝晚季號名流堂堂務虛偽挾此一卷書免困要  
科第擊輓媾今情佔畢閤古義不明事物理不識忠孝字一生  
伏病根其志在祿利舉目盡書生所讀究何事鄙哉小人儒不  
滿古人意君家孝友傳舊德先人繼我來滬城游感慕烏能置

示余事實圖還讀節孝記王母如歐母流芳千百世一門厥德

修維誦柴扉閉書味美于回綿邈前賢契尚友第五倫追蹤唐

李泌默默懷古清古人入寤寐業勤恐不遑治身藉經治吾黨

名教外原豈真樂地是圖足千秋以儆士立志媿余走風塵蟲

簡度遠筭舊學漸荒蕪相期共講肄

題王輯庭話雨圖

對床佳句彭城夜話雨新圖滄海邊前後兩家兄弟樂蘇王逸

事並流傳

春草池塘小謝詩挑鐙夢到有誰知最愁讀罷丁鴻傳夜雨秋

風獨立時余生無兄弟昔曾獨立圖

次蕭子滂雪夜見懷元韻



青楊小巷踏蒼苔雪擢今番訪戴來蘿影一宵仙館宿梅花七  
字草堂開畫師未合江東困謂章藻槎客新從海外回謂夏百  
拚與圓鑪暢情話聚星詩句鬥心裁初子齡

寄黃心齋同年閩中

臺陽羽檄正馳驅帷幄書生重轉輸君總理軍需局叔子豈宜仍緩帶  
修期可惜未中樞平蠻笳鼓雄詩壘橫海魚龍獻陣圖渴望銀  
河洗兵甲諸公努力贊

神謨

冬夜懷孫小平進士慧孖子雲駕部慧翼

二鳳名臣子麻衣泣鯉庭居無旅馬第卜協水龍經文請公被旨賜葬  
時卜地廿卷文章壽刊泰雲堂全集初跋千秋俎豆馨閩省士民請祀文靖公於名宦祠大

吏據情入告奉優旨俞允臺陽馳露布家祭告先靈

趣我營阡亟分貽有麥舟擊懷逾楛芋感涕洒松楸惠難交千  
古閩河客四愁相期振動閩高葉賜書樓

吳門除夕

但賣癡鼓不計錢蕭齋錢歲劫厨烟旅窗嬾寫更春帖誤筆翻  
啗伏臘禪賭酒蘭陵成往事吹蕭吳市自今年荒廬攀樹難償  
願望斷淞南雨雪天



講舍集

癸巳

題李筠坪雪霽訪梅圖

一鴈銀雲淡欲流溪山空着李營邱訪花別有瑤瑤想不寫冬  
心不解愁

水墨樓臺窈窕窗冷香橫笛自成腔僕家夫婿林君復福慧修  
來定是雙

探梅吟侶隔年招偶話銅坑意也消昨夜翠禽報春信詩魂先

到虎山橋

時子清有邵  
村探梅之約

題趙雨村溪山訪舊圖

木葉亭皋點古陰天涯延伫是苔岑訪秋會得詩人旨難寫停  
雲一片心



高人賃廡慣姑蘇酒醜詩筒興不孤何日一蓬來聽雪寒山深處訪凡夫

雲樹相思又十春西窗翦燭記前因幔亭仙板楓亭荔我亦溪山人畫人

桐花雛鳳有清聲出拜荷衣一座傾謂令子雪有約春深同載酒為君先啟小柴荆

### 登薛山拜亡友何小山墓

宿草七年後曇花一夢中殘朋散蓮社餘響激松風斷雁嗟予季謂書傳經慰乃翁謂令子那堪寒食節相對泣幽宮

### 黃巖城外與漁村別

千巖詩世界一月佛因緣此別淒如雨前游望若仙緘愁過雁

宕含淚向閩川今夕來青閣聽松廢獨眠

### 題陳秋堂文蘭課孫圖

計日歸帆掛柳酒桐陰秋好濯孫枝乍當梨栗牽衣日正是楊梅對客時遺肉笑逢重九燕合飴聽誦半千詩放翁有句堪移贈不用擔簦更覓師放翁三三孫生日詩句

### 虹橋舟次戲柬少鄂

昨宵席上嘗佳釀今夕舟中渴夢頻寄語酒泉鏡太守可容分乞玉缸春

### 螺江曉發

千里灘聲往復還輕帆又指蒼溪灣一船樹色懷蒲水虎伯舟中載一林荔片石家風重儼山梁芷林方伯以家甘蔗洲空尋月墜黃



茅洞遠想雲間此行好著朝天集客思鄉愁一例刪

舟中風雨偕佩生弟酌酒夜話四絕句

村醪香瀉甕頭醇弟勸兄酬燭跋頻不是蕭颯風雨夜那知姜  
被最情真

予季曾居弟子行少年歌管咏檀郎弟少受業於余又為汪氏僚婿題詩欲仿

蘇同叔從宦無功漫去鄉

承歡羨爾有蘭陔二插探深歸去來聞道江南秋稻熟新菊好

趨菊花開

同祭共索話綢繆此樂何如馬少游愁聽鷓鴣行不得飄零一

雁尚南州元固弟羈滯閩中

建溪舟行雜詠八首

從仕居閒際韓詩居閒食不足從仕力難任徘徊且放撓漸欣鄉樹近不厭水

程遙漢詔慙漫最唐詩賦早朝時將入都江湖聽雨夜拊髀感

中宵

奉母之官日清溪下水船春暉才一瞥孤露又三年誓墓書無

帖摹圖鈔有軌遺型編陟慕辰瀟淚如泉近案刊先太宜人志傳序記為涉慕居編

有弟逢秋瘦搗蹄慰倚閭親衰常欲摘遊倦倒騎驢選石分磨

硯抽籤對讀書彌增同氣重下澤共乘車

有婦同舟載垂簾對孟光仙霞重攬秀壬午來閩曾繪仙霞攬秀圖娥月究

清揚課女臨唐帖教兒識漢章牽蘿心力瘁耕隴願須償

左家嬌女幼儉素習寒閨小筆吳船錄輕綃楚竹題女有舟行日記近學

畫嫁衣慳賣犬壺範誓鳴雞往送施於誠挑燈夜舫低



稚子生甫水還鄉第一程  
筵前諱蠻語  
蓬底出書聲  
訪古徵圖

像行遜有古聖賢像二十冊看山問地名  
莫忘齏粥苦  
而父一官輕

牛渚仙舟侶聽詩每夜分  
久要盟淡水  
薄俗恥翻雲  
萬里秋船

集時校刻徐秋潭將軍詩集初竣千年掛劍墳  
秋堂文將為故司馬王君鶴村營墓余亦會故人方序闡之葬

懷知兼歎逝涕淚共紛紛

鄭驛殷勤意論文畫舸停書名  
唐晚輩祥瑤峯觀詰學漢遺經

鄧叔原太字精漢學結社黃華寺謂柯易堂邱仁夫許靜漢填詞鐵笛亭許秋史茂風

槽從此去  
悵望白蘋汀

舟中懷同里諸友

王翁年八十乘興畫滄洲  
自得麓臺意  
高吟松浦秋  
談諧驚戶

外嫌綉塞牀頭萬壑千巖境  
披奇惜未游王侶鶴明經

博識可經世餘才能活人  
韓歐錄弟子  
陳夏稱功臣  
介爾福泉

福交如醇酒醇平頭正六十年  
葆此松喬身何書田明經

耆望吾宗老童顏駐景紅  
藏名藜杖外  
寄隱酒杯中  
歌出貧原

憲經侍小郎同少年翰意興談笑却千熊家漁村明經

子痴枯槁士中隱在南塘  
身著山人服  
門題孝子坊  
焚香難入

道種蘭不充糧文社懷前躅  
昔花踏井牀王子痴後才五世祖

勿為陳君短鄉閭式化多于人  
思有濟連俗  
願遭訶野食  
充藜

覓衙門翳薜蘿區田傳種法  
曾否度登禾陳蕙園布衣

搜古九峯麓誅茅十畝町  
遠師歸厚錄  
自著課農經  
訪友秋攜

艇占年夜譚星梁書知止  
傳贈我當歲銘徐淑陽茂才

題顧湘舟秋山菴句卷子



瘦策寬鞋獨訪秋上沙西去好林邱此行究入長蘅畫黃篋樓  
前看六浮

展拜荒墳話宋朝將軍大樹暮蕭蕭手摹石墨旌忠字不為尋  
碑禁野樵

偶趁鐘魚問古禪齊梁破寺兔羊年瘦僧如腊松陰立為語秋  
荒舊粥田

長林話古坐忘還秋在湖莊第幾灣寫到寒天難着筆淡無一  
角是寒山

題屠菴園教授湘之妙歸行後

事姊如兄氣誼深然須十載動悲吟每懷蘿畔聽書夕未改橋  
頭負米心春雨牽蘿寒女屋秋風落葉楚人砧江東偏保知名

久欲報文姬淚滿襟

題蕭子滂讀書省過小像

欲問蘧賢寡過方蕭齋靜夜細焚香君家自有觀心法北斗先  
生鐵石腸

凋年惜別意何堪雨雪征軺指涉南官職聲名知並好冰銜先  
集昨非庵

命宮磨蝎似身宮千古韓蘇兩愜公八九不知人意事濟川何  
藉馬雷風

獨立蒼茫七尺身豈因盤錯改輪囷有懷永夫藏園語頭轉從  
無逆境人

題馮文園江畔意行圖



巫門秋色汎吳舲浩蕩情懷酒乍醒最好名山歌席帽卧看三  
十六雲根

詩情正在晚天霞指點漁家更笛家彷彿舊游來夢裡君山一  
角萬梅花

贈蕭書亭貳尹

一琴蕭洒出江城比戶謳歌競送行杜母來貽排水澤文翁去  
聽讀書聲松廳舊治思先決棗萼新碑政共成謂令兄春惟祝  
帆刺史  
大裘侯萬里家家員曝到春耕

雪夜同彭朗峯蘇琛朱仲環綬顧湘舟沅沈閔生傳桂集

雲蘿仙館用聚星堂韻即送子滂之官山左

破楚門西船一葉歲晏關河犯風雪邀朋再把將離危夕掩雲

蘿轉淒絕蘭陵低首作巖官俸無五斗未腰折搖鞭直指離華  
巔粉墨山痕半明滅且展此夕譙開爐凍斂薑芽手先掣穩簾  
不動松火殘卷入酒杯起水縷座客半屬東南豪偶激悲歌益  
駭肩世間華袞如浮雲莫恨相逢便飄警京國騎驢我亦行離  
亭寒意從何說春暖尋君歷下城勞生銷盡馬蹄鐵

十二月十九日李蘭卿廉訪招集小雪浪齋為蘇文忠公

紀生日翌日游定慧院訪嘯軒故址觀蘇公紹聖二年

書歸去來辭石刻

韋白遺愛留吳中官跡未載蘇文忠詩人幾歲祀生日墨寶傳  
自蘇齋翁榕園于此得詩覽油幢所至圍屏風維時掃雪召賓  
客栢醖湛綠松爐紅縱無畫鶴介公壽蘇某有生曰謝劉景小  
文昭古畫松鶴詩



雪浪石摹玲瓏几陳王注宋槩本心香一瓣追元豐探源首推  
陳師仲後有堯卿與伯恭永嘉分類誠可議伯氏曷用紛交攻  
惟公神明無不在定慧寺壁紗籠清飈肅肅嘯軒啟一笠雙  
屐仙人蹤閭邱高歌懿卿舞玉笛吹起江潭龍閩邱公顯居姑蘇坡公每過其  
家必留連有懿卿者出佐酒善吹笛公作水龍吟贈之見升庵詞品守欽侍者卓契順陟嶺渡海  
相追從數千里來空手去守欽卓契順俱定林陶辭一卷霜毫濃  
文襄鑄石識歲月紹聖二載家書通我來訪碑拜遺像謂宜此  
地營祠宮二十一片建溪餅長共十頌寒山供子野公擇不可  
作徵詞月夜懷垂虹使君合仿斗野例蘇訪治河駐召伯埭重  
址千秋薦菊孤山同詩成正擁紫裘坐街頭臘鼓聲冬冬

賃廡集

甲午

題蘊芬宜人春朝如意小像  
散佩相莊二十年耦耕心事話依然消寒圖裏亭亭立古點梅  
花瘦似前

一鏡深夜綻征衣吉語聯翩豔錦綵為祝朝天如意草春風紅  
旆五雲歸時將列北

題春城夜話圖

誰信長安不易居六街爭逐故人車一龕燈火幢幢夜勝詩名  
山十載書  
月燈譙後別匆匆風雨雞鳴結夢同猶幸渭城能一唱鬢絲蕭  
瑟未成翁



僧廬一笏悶煙蘿酒渴缸昏奈爾何  
忽漫菰蒲聲似雨野鳧潭  
近水風多

清曹水部風流後謂顧駭客都官嘯  
做時謂梅更羨八叉留韻  
事玉堂對管畫中詩謂溫翰初  
明叔昆季

觚棱天上憶江湖合寫承平朝士圖  
却笑海鷗逐鷓鷯青衫落  
拓一官麤

薄宦南遷又七閩荔支香近待詞人  
他年記取西窗話龍樹園  
中步葆春

題潘星齋 曾瑩玉山紀游圖  
一叢水墨點湖灣認是吾家枕  
婁山傳寫草堂金粟影為君新

築小瑯環

第一峯頭眼界開傳家儘有作羹材  
他年記取山僧話此地曾  
經畫粥來

題蘊芬宜人雞鳴戒旦圖

比肩鄉里舊家風二十年來辛苦同  
猶記寒窗人伴讀繡匡斜  
畔一燈紅

中閨警枕數殘更起起郎君聽鼓行  
半臂禁寒篝送暖無人省  
識此時情

舉業渾忘翟弟身澣衣慣耐在官貧  
菜根滋味同咀嚼賴有蘆  
簾推髻人

善病逢秋瘦不支飛龍出骨損  
丰姿圖中看譜看如昔一抹山  
痕待畫師



每傲善果寓慈懷儂影齊心與子偕但祝翳桑無餓者不因沽

酒拔金釵今春吾邑告饑余在京師  
蘇子賢詩刻以助賑

高柔愛玩意清娛湯聖鉞神事事俱願似劉樊長不老年年相

對鮪耕圖馮水塘女史為余  
夫婦畫德耕小像

題張東甫風雪勸災冊東甫為  
嘉定令

汝陰雪夜振飢糧坡老當年過復常死為使君圖縣社破棉生

暖粥生香

風帽霜裘踏凍時痾瘵一念萬民知前賢清獻今重見親寫田

家疾苦詩余舊藏家清獻公畫時有  
田家詩一首備陳疾苦

坐觀垂釣圖

癯影閒於鶴忘機不在魚思清荷露外神定柳風餘世態看蒼

白湖光動碧虛吾家傳釣具笠澤有叢書

北游燕市客投老伯通橋中隱堂初啟者英會孰邀短竿青竹

嫻長笛綠波遙校村從君去蘆中泛小橈

題徐魯齋都轉救荒圖遺像

一念痾瘵萬命蘇漳陰拯溺重前模民如蟻渡爭編筏官似鳥

慈共飽舖遺愛泣思辛補闕先憂繼起范堯夫鄉閭此日求遺

墨記取畿南政蹟圖余近輯詩青浦詩  
傳求都轉詩未得

題龔澹安文藻琴書自娛圖

風慕龔熙仲中吳紀舊聞撫絃時動操避俗獨攜文詩夢清于

水石心淡若雲鯨溪蘆荻外鼓枻不逢君

題九峯上人托鉢小像



紙襖芒鞋氣似冰天涯慣倚一支藤畫師倘是王摩詰貌出寒江渡水僧

結趺安國唐朝寺來訪龍華晉代幢潑墨自開詩境界萬梅花擁讀書窗上人工墨梅

題祥瑞峯觀察夢遊五族公譙山圖

玉皇業吏青鸞裝自餐百歲貞松肪偶游下界登民康仙夢仍在紫琳房五族之山名曷詳幔亭列侍孫曾行公譙之義奚取將洞庭廣樂鈞天張冰雪為餌霞為漿密香鼓瑟變成黃朱文綠字鐫瑤岡通祿益壽長未央頌者謂是徵家度金萱不老蘭蓀芳繡衣一笑仁風揚雲映化作千倉箱欲肥天下胥豐稔投醪煦煦安足量四海大酺歌善昌

衢州道中送別蔡漁莊比部瓊

卿月光中絳節迴驂驅道路為君開地鄰清重臯蘇望時君隨人足承明賈董才冰署一條久敬曆星郵雙轡快追陪趙少司

焦桐莫惜知音少曾許中郎動聽來  
籌國經綸重越吳側聞防海佐嘉謨謂參議狂瀾手障陽侯宅海塘事匡濟心摹鄭俠圖下筆風雲馳六詔君漢離亭烟雨點三衢他年按部臨南嶠山驛猶思負弩趨



小蕉堂叢稿

乙未

烏龍江口阻風懷心齋同年

一紙平安十日思榕陰握手各軒首青燈共證名臣譜

君校刊宋李忠

定公年語黃絹能題孝女碑

君時為孝女榮水如表墓

乍別情懷昏似夢相字氣

味淡於詩阻風中酒頻年慣休訝勞人執掌蓬

懷安溪劉鴻甫明府

樞

禪海波濤兩點萍空思命駕張車停似聞經術師中壘欲厚民

風仰考亭

縣有仰未堂

燕市春花攜酒賞吳淞暮雨倚歌聽懷人併

入閩川錄五閩山光夢裏青

偕許樵芸學博

懋格

游翁氏園東巖寺別後却寄

豪懷欲共海東傾放眼層巔俯一城畫理參來圍繞樹塔材廢



後石題名土風漸可選鄒魯民望於今仰華衡謂少鄒太守編就河渠溝洫志倩君校勘細加評

繆克齋明府後和喜雨詩仍疊韻報之

仙館巢雲足嘯歌無端捧檄向江沱事經盤錯功名苦味得詩書醞釀多海國風霜凋旅鬢松陵烟雨夢漁蓑問農心合偕君說胡取困廛三百禾

漳郡喜雨再疊前韻贈程春嵐觀察

長生報來乍聞歌澤沛漳南下尺沱估舶千帆占米賤繡膝萬井活苗多天心默應壇前釜公步傳農話貪親畫裡暮明發征輶耕待課兆人本計在新禾

陳練江刺史銑權守泉州試士公明詩以美之

冰壺玉尺證淵源豔說賢良四葉孫士路初枕越正學臣心澄

鑑答

君恩白袍階下皆寒暖紅燭堂前幾討論千樹刺桐化桃李春風齊拜狄公門

曾陟山孝廉五十壽

通德門間近刺桐壽觴初舉未稱翁詰經註史名儒業質影盪衾邃學衷樽酒人爭傾北海辯香士欲奉南豐服官正值承平盛杏苑新探十里紅

興安喜雨仍疊評字韻

駢路卑輿滑連傾兩師迎我到山城請天官有通神號嘆霧仙

留濟物名

謂少鄒太守黃石廟祈雨事

四面山容凝晷畫千渠水誌認平衡



幼農舊熟農經訣占驗分龍有定評舊傳四月二十為分龍日

六月十三日為先太宜人諱日時在興安廳解賦此追痛  
冬笋齋頭荔樹稀四年前記舊庭幃哺鳥心有終身慕封鮓魂  
應五夜歸捧檄重來逢忌日獻羹何處報春暉天涯欲致生翁  
奠兩地臯魚淚共揮

贈許少萼太守再疊評字韻

福星一路萬流傾籌筆重經鹿耳城雉犢田間馴治化蛟螭海  
外避威名活民有術胥安堵應物無心妙轉衡自惜書生戎馬  
慣王述庵周觀察而後重鄉評

和程梓庭尚書祖洛端午詩韻

正午天中令紀端長絲獻壽曲中彈賜衣清沐芳蘭潤解糝香

含翠揀酸膏澤萬家堪續命陂塘五月不知寒何緣畫戟陪高  
詠節屋先聽鼓腹歡

天長曩景麗臺端進德高冠快共彈琥珀尊前詞燦爛楊梅糝  
裏味醎酸銷兵萬里靈符肅課福千村草閣寒豈獨清風懷吉  
甫靜聽擊壤唱臚歡

和祥瑞峯觀察禱雨詩元韻

十年麾下布公誠願孰名香侍玉清典郡虛名符夏假問農心  
事計秋成蕭規吏有前章率召舍民無越畔耕佩訓書紳皆治  
諧遙知閉閣自風生

誰是堯衢鼓腹民黃紬愧卧薜蘿身休論詛我還歌我但願風  
人更兩人苦暘正思依樾蔭微名幸再達



楓宸

音權延郡今署即守均蒙大府具奏二郡俱隸宇下

熙春約共登臺樂靜漏清鐘

漸向晨

次前韻答瑤峯觀察

繡谷今推報國誠不因攬轡始澄清

建郡二

蝗江西今秋江西乳虎何心避置公督獲匪類百餘名萬戶晏

眠停夜警千村報置之法問問晏然賽犒春耕從知政與農功似稂莠根除美殺

生

自漸無術撫蕉民却奉官箴佩切身深峒待編青箬客大昕先

警白茅人千秋申畫嚴金鑰時督修郡五夜寅虔禮玉宸劍浦

支流樵水合願持津筏問東晨

題曹子安大令銜達令祖謙齋徵君庭樞小飛來圖

歸田重起讀書樓羅雀門臨放鶴洲松嶺早成魚已長午橋何

事恨千秋

畫裡平泉草木春中朝諸老墨華新題詩別有烟雲感誰見南

垣北苑人謂張文敏董文恪兩公

獨立奇壘水竹村吾家廉石事同論曹倉自有甘棠笏付與尚

書五葉孫子安為家宰公五世孫

題石顛子化石緣傳奇

梅花命短幾曾修吊夢歌離萬念休區黛綠枯銷暮雨鏡潮紅

碎冷殘秋芳根小劫茫茫路單枕寒宵細細愁悟徹六如亭下

偈春韶風絮暫白留

瑤清花霧澹無痕信隔青鸞字不存住業神仙參惱恍因緣骨



內阻寒溫人真似月難留影石果如香定返魂勝有紅箋染殘  
淚蕉堂哀怨訴黃昏

鄧江集

丙申

題陳杰峯司馬

炳極

虎井再生圖

橫海功名大願船鮫宮出險紀詩篇須知萬種風波幻不在滄  
溟在寸田

怒斫鯨牙拭劍花危城笳鼓靜無譁天公早裕平臺績先泛東

瀛八月槎

士辰冬君守臺  
瀛城功最鉅

一葉波浮七尺身豈因患難改輪囷有懷水矢希文語平地無  
忘涉險人

一萍宦海惜蹉跎自笑烟雲瞥眼過到湮磨時微道力榕門針

旨度人多

陳文恭公語錄云宦海無定  
經一番波浪即增一番閱歷

送婁秋槎司馬雲之任淡水



三渡重洋舊請纓今持竹使領專城新豐雞犬欣相識大海蛟  
螭靜不驚莫以清時疎武備最宜絕島遍春耕寇公借我民情  
慰定有壺漿馬首迎

千載榕陰舊雨思臨歧握手豈無詞朝天五馬歸須早橫海雙  
魚寄莫遲方鎮輯和為本計民番疾苦要親知臺陽漸喜瘡痍  
復慎守邊隅報

聖慈

送袁秀圃明府入都展 覲

一琴瀟灑出榕城比戶謳歌送此行君父來開敷穡利艾翁去  
憶讀書聲焚香念靜惟盟水經世才高不近名豈獨朋簪同惜  
別留鞶載銓見民情

北闕求賢

玉詔宣循良姓氏

御屏前十聯詩好朝天集一葉裝輕上水船鳳者雲霄君浩蕩  
雞鳴風我纏綿浮萍古劍知何處兩兩心期指醉川

汀州郡解梅園即事

婉孌山居別有天探梅送興客如仙虛亭老樹空留句  
虛亭三  
面水老  
樹半芽苔孫文靖  
公游梅園句也 瘦蝶孱蜂漫共憐橫笛吹香烟漠漠清樽對  
影月娟娟南枝未識冰霜味幾點春回萬枿先

汀州鎖院試畢仍用校士詩韻

天香堂迴曉戴沈觸手琳琅子細尋先正鑑衡推巨眼  
乾隆間  
家耳山  
副憲督學閣中手書楹帖懸各郡試院大再傳衣鉢夫初心  
堂云爾無文字當安命我有兒孫要讀書



守孫文靖公李詳齊方伯余受吹竽何自清齊語前列童生命題分九面試

採箭還須入鄧林新拭鸛膏藏劔匣夜窗風雨動龍吟

非關冰蘖冷無情望爾單寒共振纓一卷廬山真面目面試文冊題曰

廬山十年雲路好功名黃童白叟欣相對永定第二童生溫為年七十五連城第

三名童生陳素褐青衫憶此生歸向兒曹添夜話對林母負舊

家聲

補農齋集

丁酉

題家穀泉茂才

配黃蘅香女史詩集

生天慧業本蘭因片錦璇璣字字珍梁孟偕歸高士傳劉樊原

是誦仙人頌椒便作千秋想賦茗曾無一點塵吟盡閱江好烟

月比肩臣里話濃春

瑤想瑤情剡翠茗彩鸞端合儂文蕭牽蘿自補梅花屋打柴同

乘藕葉潮潤玉詞章雄一代清琴靜好韻雙調他年敵佩聯華

省又譜新詩和早朝

仙霞道中旅夜有作

火雲赤日走單車乘遽南歸近小除秋旅情懷千嶼月夙沙時

事萬言書未能免俗持符信于投浙江制府鍾公刊發無以為



家借偉精行遍浙東山水窟馳郵恨不駐籃輿

短衣指日侍戎旃時制府將到浙閱更擬淞南乞假旋一自風

雲遲玉節遂令霜露隔松阡宣勞早入謀猷告行役空悲此皓

篇咫尺家山含淚望右軍誓墓定何年

來從甌括去仙霞壘嶂重關驛路賒供帳志除常避客官衙漸

近當還家清風相對胡威絹謂隨員胡白水惟盟陸羽茶髯肉

全消華鬢改閑雞中夜感天涯